

**Kikubere: Bible for Luka**  
Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



# Luka

## 1

<sup>1</sup>Abhungi aa bhudungiana nitunga taa bhodee mbine dji djiakisiana angasu, <sup>2</sup>Iyekana toku bhaa bhutukianisila livfia bhaa bhubhia toku bhasungi na madjo ku aitatika ku ibhoo iyowa bakota bha livfia. <sup>3</sup>Ibha yhukuto evfilane tekima, ambusa nikia iungakala engakala endjeni a bhima bhitopa ku a ikpe kisia lao, ni nekulia a ikpalua na hali iyeka, ikolia la Théofile, <sup>4</sup>kanataa odjibhi koko dji vfeisiana lio uvfeiana. <sup>5</sup>A evfumbu y' Eherode, nkoto wa yudea, ibhia na n'kolitomo, nalinya ta Zakaria, a kalasi ya Abia; mwali ese ubhia mana mwali w'Aaroni, ka abisiana ta Elizabheti. <sup>6</sup>Batopa tavfafilii bhubhia endjini apele na Mbali, bhabhone bhatopa na hali temoi mbese ivfamilana na isusuliana litopa ka djotumo djitopa dja Mukulu. <sup>7</sup>Bhabiabo na bhana, yhulu yha Elizabheti ubhia ukumba; ka bhubhiya tomoi ka na udjomo ka na ndjomo bhedjo bhalibhoti bheeta. <sup>8</sup>Ngo,yhaa umala mekambo mese apele na Mbali, iyekana na bu kolia bhweise, abhishiana na ivfindana. <sup>9</sup>Iyekana na otinga la kiamba, a ilumilaa yavfulu ya Bwana yhulu iyowa malasi. <sup>10</sup>Abhungi wa etu lumilo wa bushe ubhiya a bhovfo na ivfema evfumbhu ya malasi. <sup>11</sup>Yhika ku utambia tomoi wa Bwaná iye nika anga Zakaria ka nite ma ilume la ukinda wa malasi. <sup>12</sup>Zakaria mawazo mavfadjalia nine mena, ka bhuwa bhuwa bhwahgoka. <sup>13</sup>Nge untambia asowa: sondu wa, Zakaria; ivfema lai libha lidjeliane. Mwaliai one butilie mona mulume, ka omuwe linya ta Yohani. <sup>14</sup>Ogwalie angai tuku ikweki shia la iseya ka na itaongiana ka bhangi iseya ibhutala lese. <sup>15</sup>Mungusa ogwali dheene apele na Bwana. Andhi yhuese ta enghoka, ta ta enghoka ya isala, ka whidjali na Upumatima wa Kengo kwa alila la nyinyese. <sup>16</sup>Obhodishilie abhungi wa bhana bha Isaraël anga Bwaná, Mbali wa bho. 17 Uluvfu apele na Mbali na m'Upumatima ka lokulu la Elia, yhulu la ibhosa mipumatima ma bhidje anga banan, ka botombhoki bakiana na otiama ma bhidje anga bana, ka botombhoki bakiana na otinga langili, ambhusa ibhongi na Bwaná bushe bha bha ngwelana ekima. <sup>18</sup>Zakaria avfia na utambia: Titani ekodjibi eyo? Ngo yowa unghá ghulú, ka mwali wami andumanga. <sup>19</sup>Utambia inekpetania: emi Gabriel, yatema apele na Mbali; yatumana nata ene sowa, ka inekokolia makoko ma makima. <sup>20</sup>Ka ena, ogwalie moluma, ka okofvi biai ku buse buo bima bio bikianie, nyhulu nyha sudjelia a mavfia mami, ma makisianie na evfumbu iyo. <sup>21</sup>Yhaa, bushe busibha Zakayo, isangala tuku ubio udjumane evfumbu ta eta asemele na yavfulu ya Mbali. <sup>22</sup>Yhaa uvfunduwa, sabavfisie tese, ka badjibha taa iba na esiso temoi asemele na yavfulu ya Mbali, idje ibha vfanaka, ka idje itikala moluma. <sup>23</sup>Yhaa masi ma makombo mwetaá; ku idje ikena. <sup>24</sup>evfumbu ta buwa, Elizabeti, mwali wese, avfuwa lila; akobhana meli tivfu, tukú. <sup>25</sup>elokowa luwo Bwana ikilia, ka madjo mese mindena ni eese a buchoni buwo emo nao anga bushe. <sup>26</sup>Aweli wa sita, utambia Gabriel atumana na Mbali asemele na ndhei ya dhene ya Galilaya, iyo ibisiana ta Nazareti. <sup>27</sup>Am'ubhongo wa useke wa likala usongo wa mulume a bwandja bhwa Daudi, na linya ta Yozefu. Linya useké libhia Maria. <sup>28</sup>Utambia atangana angese, ka ivfia: ya netuwa isamba,owe udjo lokowa lanekeanila; Bwana onae. <sup>29</sup>Mawazo mavfa djalia na livfia lio, Malia adjiya idje iwezi idjibishia koko ya isamba lio. <sup>30</sup>Utambia inesowa: sonduwa, Malia; ngo woudha lokowa apele na Mbali. <sup>31</sup>Ka ena, ovfuwe lila, ka ubutuwe mona mulume, ka umuuwe linya ta Yesu. <sup>32</sup>Ogwali dheene ka obisoheni mona wa ukulu angili, ka Bwana Mbali omuwe obibho la Daudi, idjidje. <sup>33</sup>Olombiye a bwadja bwa masi matopa, ka ilomba lese linde ngwalesie na tútútú. <sup>34</sup>Malia avfia na utambia: ekianie kitiyo titani, mbese emi sidji mulume? <sup>35</sup>utambia inekpetani: Upumatima wa Kengo widjie angai, ka lukulu likulu angili lunekubhuwe na akuvfe wese. Njoo iyaa mona wa Kengo udjo obhutuwe obishaniye mona wa Mbali. <sup>36</sup>Ena, Elizabeti, wano, avfua, idje yhukuto, mona mulume na bunga ngulu, ka udjo ubisha taa ukumba ka na weli wese wasita walila. <sup>37</sup>Idjese na ya kpi mgi anga Mbali. <sup>38</sup>Malia avfia: emi mushe wa makomba wa Bwana; yakisiana toku ya kia na livfia ka utambia inetika. <sup>39</sup>Masi mao, Maliya atema, ka akena mangbalangba ikulu gya matopa a ndei temoi ya dene ya ba Yuda. <sup>40</sup>Alumia a yavfulu ya Zakaria, ka abiga Elizabeti. <sup>41</sup>Gyoka Elisabeti woka Maliya inetua isamba, toku oba na lilá, ku monese isiya ka nibina asemelé na lila lese, ka ku ije iidjala na lokulu la Mbali. <sup>42</sup>Injé byao biyo enao ba ta inya bwaná bwani iji ikwinyunyá. <sup>43</sup>Ena mbani, kwi yoka gyoi gyi isamba lio wituá, monami aseya ka nibina asemele na lila lami. <sup>44</sup>Byao na unjo ukoliá, mungusa ta weni bima bio Bwana ulaka iyene kana tá fomú. <sup>45</sup>Ka Maliya ivfia ta: ntima ami unkolié Bwana, <sup>46</sup>Ka mpumatima ami wa n'seyá Mbali, N'kota ami. <sup>47</sup>Mungusenje ená bukuku bami n'kobé esé . Buno busi ka na bidjo bitopa buse bibi sié ta enabyao. <sup>48</sup>Mungusa ta Mbali mukula khisi itubula, linya lese lilombi ka. <sup>49</sup>Bukima bese bugwali bidjo na bidjo anga bá . <sup>50</sup>Afvanisia lokulu la oboese; a bafvanjá buse ba mitima mi bhibi ka ninegeiya. <sup>51</sup>A badulusia balombiá a bogima ba bukota, ka abakpatisia ba bankolia Mbali. <sup>52</sup>Aba ogutisia, na bima bi diya ba baba na egwá, ka bagumiá abichisia n'egwá. <sup>53</sup>Am'fvulia Isalaele, m'kobése, ka adjua ikolia lese, <sup>54</sup>Toku obasowa bidje, basu, anga Abrahama na badjulu bese bidjo bitopa. <sup>55</sup>Maliya adjuma na anga Elisabeti meli ta misaso. Ka ku idje ichia a ngese. <sup>56</sup>Efvumbu ya Elisabati ibuta yaka, chekede, ka kuije ibuta mona mulume. <sup>57</sup>Bange na na ka na inyese na idjidje a boka ta Bwana ankilia bukuku, ka ba seya nabho. <sup>58</sup>Busi bwa munane, saso, bidja ikotina mona duda, ka bha mua linya la idjidje Zakaria, <sup>59</sup>Nge inyese avfia ta: mbese, linya lese li gwali Yoani. <sup>60</sup>Ban'sowa ta: A liboti lai litopa muse tomoi anyese na linya lio. <sup>61</sup>Kaku ibo ikomiya ijije na bifvaniko gyule lidjibha linya lio mona obisianie. <sup>62</sup>Zakaria afvena ivfavo ka akpalua: linya lese Yoani. ka ku buse batopa isangala. <sup>63</sup>Saa yokwiyo, kaku anyua ese eyo gulana, elami ese iyandja isangwana, ka idje ifvia abiba Mbali. <sup>64</sup>Bhua bagboka buse batopa bha naa, ka na a mitala mitopa ma Yuda, lifvia loka na bigula bitopa. <sup>65</sup>Batopa bá boka livfia liyo bangbela angabho na mipumatima, nifvia: Monanjo ogwali neni? ka obho wa Bwaná uba nana. bio ti tani? obo wa Mbali uba anga mona. <sup>66</sup>Zakaria, idja mona idjala na M'pumatima wa kengo, ka enga, avfia mua: <sup>67</sup>Ilombi Bwana, Mbali wa Isilaeli, na toku unyu nya, kanibibhia buse bhese. <sup>68</sup>Ka atudisila Bwaná wa lokulu ayafvula ya Daudi, n'koliese, <sup>69</sup>toku ofvia

monô a anywa wa ba Tambia bese ba bidjo bangbé,<sup>71</sup> Bwana unjo ukotubikésie anga bakodu basu ká na a mabho mabhaa batubilie!<sup>72</sup> Wao fvê uwóó afvanisia bukuku bese anga ba tita basu, ka adjuu ilaki la kengo.<sup>73</sup> Nilipa lio Abrahama ulapa idjasu,<sup>74</sup> Yatoa lokulu, ta tu biana mabo ma ba kodu basu, tun'ka Mbali mbese bhua,<sup>75</sup> Nilufva apele nana na busumbá ka n'ikoliá masi masú ku matopá.<sup>76</sup> Kô wê, molemba, obisiani na linya la N'tambia wi kulu la ngufva, mungusa ta olufvu apele na bwaná, itukulia paki djese,<sup>77</sup> Ikulu li yowa buse bese badjibi idjelia ka batikila bubi butopa.<sup>78</sup> Lokowa na bao ba a bukuku ba Mbali asu na busumba bhuo gyufa la fvundua ikulu la ngufva la tue na kamo ikulu la ngufya.<sup>79</sup> Ibfanisia bha bâ ba bajumané a lifvue ka na bâ asemele na akufve aligwa, mungusa elufvusia magulu masu a paki ya guwé.<sup>80</sup> Ngo, mona onda ka nibakaka na mpumatima wa Mbali, a kokika muse asemele na mpena waseke domu na ndei, mpaka masi ma okaene kano apele na Isalaeli.

## 2

<sup>1</sup>A evfumbu iyo yenekiana lisusulia la Cesare Ogisto, ibanda ka ni kpalua manya ma bushe ba kisi n'topa. <sup>2</sup>Ibanda ka ni kpalua la bushe la pikilie lio edjo ngé Kirinius ubia mo n'kota wa Suria. <sup>3</sup>Batopa bukena ikidji pkalushia, kila mushe a ndei yese ya dhene. <sup>4</sup>yusufu idje kdjokuto ukpata mo a galilaya, andei ya dhene Nazareti mungusa ikena a yuda, a ndei ya Daudi, ikbishia Bethelhehe mungusa ukbia mo a yavfulu ka na kbwandja kbua dausi. <sup>5</sup>Mungusa ikodjikpalushia idje na maliese malia, a n'songo ese, úndjo ukbia mo na lila. <sup>6</sup>na evfumbu iyo kbu kbua mo kdja, na evfumbu iyo Malia utota ibutha youwa. <sup>7</sup>Idje nem'buta na mona ese n'djapikilie n'djamulume idje ienesiga ngombe, na idje inen'lalishia asemele ya vfulu ya batumbu mungusa si kbua mo na egula yi lala. <sup>8</sup>Ikbua mo a asemele a yavfulu iyo, kbushe kbisibaka ka ni lakala a bovfo akbotio isibaka akbugi ya tumbu kbakbo. <sup>9</sup>Iyenekiana, ya Bwaná, idje ibavfundua, ka na molombo a Mbali ikba kunga ikbo kbatopi idjala na laliga la kbua. <sup>10</sup>Ka ikbasakua mbese nu igwala na kbua; mungusa yanesakua nuwe munguso wan'kima, ugwali mungusa bushe kbatopi na laliga la. <sup>11</sup>Kbusi kbuno, a ndei ya dhene ya Daudi; mushe wikbikishia kbushe akbutala, linya lese Klisto, Mulume. <sup>12</sup>Iyenekiani djio nuwe nu djikbie, nu n'kgboki mona tomoi n'sigake na ngombe ki lala a semele ya yavfulu ya batumbu. <sup>13</sup>Kdjano na kdjano ba anga idjania akbugi ya kba sua kbi ikulu la ngufva, inemua Mbali lokulu na ivfiya: <sup>14</sup>lokulu lai owe Mbali a egula yikulu kdomu, na ekima a kisi a kbushe kbaa kba mundu Mbali!<sup>15</sup> A evfumbu iyo ba Batumba Mbali kbukena nichakia ikulu la ngufva, bushe bisibaka Batumbu ikbuisakua n'djo na ikbo: tukenai a bethelehamu, tu kueni miomyoouwa owa, mio Mbali atuvfaisia. <sup>16</sup>Bu kena mavfi, ka ikokba gboka Maliya na Yosefu, na mona musu ukune lala a yavfulu a batumbu. <sup>17</sup>Kisha ibo inem'mena, ibo ikena ikovfia munguso uwo bubasakua mungusa mona musu. <sup>18</sup>Batopi iyoka ka ibo batopi iggbita na munguso uwo bu basakua bushe kbisibaka batumbu. <sup>19</sup>Maliya isibaka bima bitopa, ki itikala a m'puma n'tima ese <sup>20</sup>Ka bushe bisibaka batumbu ibuibudha, men'tukuza ka ninem' kpatishia Mbali na mio boka ka niena, ka na mio mivfilana mo na livfiya lio bubasakuamo. <sup>21</sup>Busi bwa, djio mio butota mo inen'tina dhudha ya aka mono, ibo inem'mua linya la Yesu, linya lio Utumba Mbali uvfia mono pikilie n'idje ilimia a n'tima la nyinyese. <sup>22</sup>Ka na evfumbu yi nen'takasa ya aka, ni ssusu lia la Musa, Yusufu na Maliya ibo inen'vfevfa a Yerusalema mu, mungusa inem'vfaishia anga Bwaná. <sup>23</sup>Iyekeka mio bu kpalua mo i susulia la Bwaná: mona mulume n'topa indjia pikilie ugualie mudji nane anga Bwaná; <sup>24</sup>Mungusa ao mevfua ma bagugu ta bavfli, na miyo bukpalua mo i susulia la Bwaná. <sup>25</sup>Ka ena, ibhiya a Yelusalema mushe tomoi linya lese Simeoni. muse undjo ubha na angili, ni ikolia, ubhisibhaka ikomulana la Isalaeli, ka m'pumatima wa kengo ubha náná: <sup>26</sup>Ubhia sa soana na m'pumatima wa kengo taa undjo ugubhia ku taa wamena kilisito mona wa Mbali. <sup>27</sup>Ku idje udja a yavfulu ya Mbali, na lokulu la m'pumatima wa kengo. Toku bhahhu tia bhuudisia molemba Yesu mungusa wi ikoakisia shelia ya Mbali, <sup>28</sup>Idje inevfevfá mona a mabho mese aa m'biba Mbali, ka avfia taa: <sup>29</sup>Dyaano kotio, bwáná, un'tikila kotio n'kobheai, akeni taa guwe, nisowa la livfia lai. <sup>30</sup>Mungusa taa madjo nami meena paki ya ibhika, <sup>31</sup>Paki yibika iyo ubhongisia apele na bhushie bhatopa, <sup>32</sup>M'pena wa mbgaa wi vfanisia bhushie bhatopa ka na molombo wa Isalaeli etuko yai. <sup>33</sup>Idjidje ka na nyinyese ya bha owa mungusa na minguso mitopa miyo bhu bhivfia a m'piti wese. <sup>34</sup>Simeoni abha fulia tochibho, aa sowa Malia, inyese taa: Ena monono utumana a kisi iko kosia ka nikotemia yivfakanisia bhushie, <sup>35</sup>Ka owe muku lao asobho onebeli bhiyo m'pumatima, mungusa engiko miya m'pumatima ma bhuse taa bhaagi midjibhikama taa foomú. <sup>36</sup>Ibhia dyukuto na n'kanga wa mwali, linya lese Ana, n'seke wa fanuele wa etuko ya Azel. obha idje sadumanga, ka okiyaese abhokú ku bhidjo okingo ndala la maavfli (7) ngúngú aa bhuseke bhuese. <sup>37</sup>Otikala n'kusania ubhia na makomo bhukingo ndala taa masaso na bhidjo taa bhinai (84), sa lugwese a yavfulu ya Mbali, ubhi kambila Mbali bhotio na bhusi ikidha bhima bhidhia ka nine vfema Mbali bhukúkú bhuese. <sup>38</sup>Iidja lese, evfumbu iyokuu iyo, aa bibá Mbali, ka nivfia isowa la Yesu na bhaa bhubhi si bhaka ibhika la Yelusalema. <sup>39</sup>Dyi kaa bhumala iyakisia bhutumba bhwa Bhwáná, Yosefu na malia bha kpudhá a Galilaya, aa Nazaleti ndei ya bho ya dhene, <sup>40</sup>Ngo mona ubhioondá ka nivfufuma, ubha na otinga, ka na lokwa la Mbali taa puu. <sup>41</sup>Bha bhutia bha Yesu bhubhi ke kena bhindjo bhidjo bhitopa aa Yelusalema a evfaya ya Pasaka. <sup>42</sup>Aa wakisia bhidjo taa bhuu na bhimo ta bhivfli ku ibho ikena kamo, toku bhubhi kena kena aa evfaya. <sup>43</sup>Tuku masi mevfaya miaka, kaku ibho úganaká, mona bhô Yesu itikala a Yelusalema, idjidje ka nyinyese mbese ibho idjibha. <sup>44</sup>Bhakpaa taa akena apele na bhange na bho mulungu wa lokendo, ibho ikia bhusi kubhutubhu a paki, inefungala mona anga bhawa nyabhabho ka anga bhange na bho. <sup>45</sup>Nge, bhamenabho mona, bhatita na Adyie bhakpudha kamo a Yelusalema ikovfungala. <sup>46</sup>Ambusa na masi ta masaso, bhako bgoka asemele na yavfulu ya Mbali, un'dyumane a bholigogo bhua bhakoli bha minganga, ibho bhaa mokie ka bhaa miyakie. <sup>47</sup>Bhatopa bhaa bhu bhimokamila ibhe tila na otingaluwo ubhia nao ka na toku ubha manyula. <sup>48</sup>Dyaa bhahhutia bheese bhuuméná, ibho esangala, nyinyese ine saa: monami, indje wa tukia tano? ena, ato ka na emi, tabha nevfungala na idjena. <sup>49</sup>A bha sowa: nubhivfungala neendje? djibhi muanu taa

yafaa idjowa na minguso müa idjami? <sup>50</sup>Nge bhadji bhabho tuku mango ubhasua. <sup>51</sup>A dulua nabho bhatopa akena na bhoo Nazaleti, ka abhoo. nyinyese ambgela mitopa mio aa m'pumatima wese. <sup>52</sup>Ka Yesu oondá na otinga, Elima, ka na lokowa, apele na Mbali kana apele na bhushe.

### 3

<sup>1</sup>Aedjo ya bhoo na bhimo bhidjo ifu a imeta la bhukota bwa tibelio kaisala, évfumbu ya poso Pilato ubhia ndumanga wa bhakota a yudea, heloli ubhiya satabhala a Galilaya, wanyese filipo sa tabhala a itulia ka na misia mia talakoni, lusania satabhala a abhikene, <sup>2</sup>Ka na évfumbu iyo ndumanga wa bhakoli a nasi ka kaifa, livfia la Mbali ansua yuani, mona wa Zakalia, asemele na mpena wa iseke. <sup>3</sup>Ka idji kena a kisi djitopa ana mikpamgba ma Yolodani, iko ubhilia idjina lüesisia mabhi, kana itikila, <sup>4</sup>Iyekana na makpalua asemele na kitabho wa livfia la Isaya, nkanga: yesekudyo la undjo uvfame likwa a mpena wiseke: tukuliayi paki ya Bhwáná, kana égula yese yieta. <sup>5</sup>Machia matopa masi gana, mitala mitopa ka mitala ma bwabwa mitopa migwali miduluwe k'éyo yelingitanie inanula niye, ka pakigwaliese na makia. itukulianiye indegwaliiese na makia. <sup>6</sup>Mushe ntopa undjo una mobhi wenie ibhikisia la Mbali. <sup>7</sup>Ubhasua bhaa bhimbudja dhyombo isua liko djinisianana: nuwe tumba ya nyili wa lochengu, nenindjo anesua nuwe ikenila bhusungu, bhoo bhukunidja?

<sup>8</sup>Vfanisiyai kotina puma djangili nata natubhua, ka mbese nuwe idjãvfisia nivfia vfia nuwe ngungu: tuna Abhalayamu tuku idjasu! Ngó yanesua nuwe taa amabhai mano Mbali una lokulu la idjibasia mavfundusia bhana bhaa Abhalayamu.

<sup>9</sup>Kungbe mono livfai liavfisiana a milika djabiti: Éti etopa eyo indibhutu ése puma dja djikima itinanie ka ikulia Isala.

<sup>10</sup>Dhyombo dyeya, nivfia:tikiye kotino titaniye? <sup>11</sup>Idji bhamanyula: undjo una kimba tüpili bhavfakana na undjo andes taa nao, ka undjo una bhima bhi dya akidyokuto. <sup>12</sup>Idja dyokuto na bhavfindisia mandjandja ikulu la na taa bhako djinisiana, ka ibho inensua: Bhwáná, tukie kotino titaniye? <sup>13</sup>Idji bha manyula: nuvfemai anu yomo éma éyo bhune luusianuwe. <sup>14</sup>Bha sodha dyokuto bwinemiya: ka djuwe, tukie titanie? idjibha manyula: Mbese nuwe iyenisia mpuli nüaga bhima bha bhushe, ka udjakisianu na bhikubhiyo bhane vfindavfindie nuwe. <sup>15</sup>Tuku bhushe bhubhia ninensibhaka, ka bhatopa bhubhiyei yakia ibho ngungu nataa Yoane andese Kilisito. <sup>16</sup>Idji basua bhatopa: Emi, yanedjinisia nuwe; na malivfa; ngó w'idjie, undjo una lokulu ta lugi inindeta émi, ka indami na lokulu lisangula minyiki ma tobhokúbhokú téese. Idje, unedjinisie nuwe na mpumatima kengo kanisala. <sup>17</sup>Una lungó lese a obhoo; woluluwe mbanda yese, ka akumanisia ngano djese, asugweye yiafvfisiana bhima bhese, ngó uvfambie bhimbhu bhivfavfo asemele n'isala talimoi lio lindelima nuese. <sup>18</sup>Ndjo koko Yuani kpolisia mbino dja djikima anga bhushe, n'ibhasua kamo a bhugi womo wa minguso. <sup>19</sup>Ngó Helotili utabhala, adye dyana na Yuani isua la ntuwa nguso wa Helodiya, mwaya wanyese, ka nisua la bhubhi bhutopa bhoo ubhikia, <sup>20</sup>Nigbukumi kamo minguso minguso miyo bhumavfia Yuane a nunyololo. <sup>21</sup>Mushe ntupa udjidjinisia, Yesu dyokuto widja ikodji djinisia; ka évfumbu iyo, ikulu la nguvfa logulana, <sup>22</sup>Ka mpumatima kengo idulua ikulu lese bhotingo bwivfilana, na n'noli, ka dyoi ta limoi liokana ikulu na nguvfa na livfia lino: owe mona wani wabhundusia wani; angayi yavfisiana bhondusia bwami. <sup>23</sup>Yesu ubhia iyekeka bhodjo makomo tamasaso a évfumbu iyo utatika makambo wese, agwalatuku bha bhakpalia, ta mona wa Yozefu, mona wa Eliya, <sup>24</sup>Mona wa Matati, mona wa Lawi, mona wa Meleki, mona wa Yanai, mona wa Yozefu. <sup>25</sup>Mona wa Matati, mona wa Amosi, mona wa Naumu, mona wa Esili, mona wa Nangai, <sup>26</sup>Mona wa Maati, mona wa Matatia, mona wa Semei, mona wa Yozeki, mona wa Yoda. <sup>27</sup>Mona wa Yónane, mona wa Lesa, mona wa Zelubadali, mona wa Chealiteli, mona wa neeli, <sup>28</sup>Mona wa Meliki mona wa Adi, mona wa Kosamu, mona wa Elima damu, mona wa Eli, <sup>29</sup>Mona wa Yesu, mona wa Eliezeli, mona wa Yulimu, mona wa Matati, mona wa Lawi. <sup>30</sup>Mona wa Simioni, mona wa Yuda, mona wa Yozefu, mona wa Yonam, mona wa Eliakimu, <sup>31</sup>Mona wa Meleya, mona wa Mena, mona wa Matata, mona wa Natani, mona wa Dawidi, <sup>32</sup>Mona Yese, mona wa Obedi, mona wa Boazi, mona wa Salumo ni, mona wa Nashoni. <sup>33</sup>Mona wa Aminadabu, mona wa Arni, mona wa Hezroni, mona wa Teresi, mona wa Yuda, <sup>34</sup>Mona wa Yakobo, mona wa Isaka, mona wa Habrahamu, mona wa Tera, mona wa Nabori, <sup>35</sup>Mona wa Serugi, mona wa Refu, mona wa Pelegi, mona wa Eberi, mona wa Shela. <sup>36</sup>Mona wa Kainani, mona wa Arpakchardi, mona wa Shemu, mona wa Noa, mona wa Lamiki, <sup>37</sup>Mona wa mitusela, mona wa Enoka, mona wa Yaredi, mona wa Mahalalecli, mona wa Kainani, <sup>38</sup>Mona wa Enoch, mona wa Seti, mona wa Adamu, mona wa Mungu.

### 4

<sup>1</sup>Yesu idjala na lokulu la mbali, alugwa a yolodani, ka upumantima w'anluta asemele na mpena w'iseke. <sup>2</sup>Dyowa ukenu uchuchana na mugu évfumbu ya masi makomi tamanai. S'abhidhiaese masi maa matopa, ka ambusa na masi iyeta, apata égwa. <sup>3</sup>Mugu inensua: Ani owe umona Mbali basia mabhoi mano magwali mékati. <sup>4</sup>Yesu ine manyula: ikpaluana: mushe andeishiese isua la bhima bhidhia ngungu. <sup>5</sup>Mugu, antubhula, inefvanisia ta bhua makota matopa m'ikulu na misia; <sup>6</sup>Ka idjinensua: énouwe lokulu luno lutopi, ka molombo wa makota mano; mungusa bwindua ka emiyowe anga mushe undjo yondue. <sup>7</sup>Aniwachuma malu apele nami, etopa igwale yaye. <sup>8</sup>Yesu inemanyula: ikpaluana: omwabuduwe Bhwáná Mbali waye, kan'oweine nkambela idje kukalesi. <sup>9</sup>Mugu idjenenluta kamo a Yelusalemu, inekpatisia abhesanga ikulutikongó, ka idjinensua: ka ani omona Mbali, tumba mbani okokuwe dhichi, mungusa ikpaluana: <sup>10</sup>Otindikie bhantambia bhese dyululai, mungusa ikonengbela; <sup>11</sup>Ka: bhanevfivfie ikulu la mabho, n'iondua taa okuluwayi inekotutale a libhoi. <sup>12</sup>Yesu amanyula: kinensua: undjichuchue ta bua Bhwáná, Mbali aye. <sup>13</sup>Ambusa n'inechucha na paki, djitopa mugu idji kena dhomu naana iko olila évfumbu téemoyéékima. <sup>14</sup>Yesu, idjala kamo na lokulu la mavfufva ma Mbali iiganaka na Galileya, kana mbino djese dja bhusumba djalagatana asemele na bhituko bhitopa bha mibhongo. <sup>15</sup>Ugulusia asemele na Sinagoga ka abibiana na mushe untopa. <sup>16</sup>Idji kena a Nazaleti, dya ukiká, ka, dyuto ulemanila, idjitangana asemele na

Sinagogi bhusi bha sabato. idjitema mangasomi, <sup>17</sup>Ka ibho inemua kitabho wa nkanga Isaya. undjo bhuhingaka, akogboka ntungo uwo dya bhukpalua: <sup>18</sup>Lokulu la Bhwáná la mavfufva luikulami, mungusa w'itilia madha isua likodjibhisia mbino dja djikima anga bhaa bhukandakanda; w'itindika mungusa ikobhikisia bha bhuhunakala a upumantima, <sup>19</sup>Mungusa ikpola bhaa bhusangiana bhaa bhatikilana, kana bhutiti bhéeni, n'ibhiganisia tafomu bhaa bhusangiana, bhakolondula édjo ya lokowa la Mbali. <sup>20</sup>Ambusa idji bhingaka kitabho, inemua mushe wa mokambo, ka adjimana, bhatopa bhaa bhuhia asemele na Sinagogi madjo mabho mubhia manebhone kwidje. <sup>21</sup>Kamo idjitatika ibhasua: bhusi bhuno livfia la bhukpalua, éyo nalubwi oka, la kiyana. <sup>22</sup>Ka ibho bhatopa bhagwala bhasamboli bhese; bhuhidjukua na mavfia malokoa maa mubhivfundua angese na anyua, ka ibho ivfia: ombese mona wa Yozefu? <sup>23</sup>Yesu abhasua sombi iyondua, dungai sokaka sino isua lami: Monganga, udjibhikisia owe mukulao; ka nu isua: kia djukuto, antungo wanganu, étopa éyo tooka nata wakia na Kapenaunu. <sup>24</sup>Ngó, yagbukumia yanesua nuwe angili, indese na nkanga undjo udjelianie angese na ndei. <sup>25</sup>Yanesua nuwe angili: Ibhia na bhugi bha bhali bhaa bhogusia bhalume a Izalaeli évfumbu ya Eliya, iyo ikulu na nguvfa lisigiana na bhidjo ta bhisaso kana mieli okingiondala(6) ka ibhia negwa ta dhene a kisi ntopa; <sup>26</sup>Ka imbiese dyito Eliya bhantindikiabho anga mwali tomoi bhaa bhugusia bhalume, Ngó ibhiaese kwa anga mwali tomoi undjo wogusia mulume ubhia andeyi, Selefati, asemele na ékita ya Sidonia. <sup>27</sup>Ibhia dyokuto na bhugia bhandutu dja kebhu kebhu a Izalaeli évfumbu ya Elisha, nkanga; ka n'évfumbu iyo tomoi wabho sakengulanese, ibhiese ku namani undjo ukengulana. <sup>28</sup>Ibho bhatopa bhidjala na bhusungu asemele na Sinagogi, a évfumbu iyo bhooka bhima bhiyo. <sup>29</sup>Ka, bhatema ineluba inefundusia abovfo na ndei ka inenkenisia a pichipichi na ntala dyowa ikpela nandei yabho, mungusa bhankosia untuwe ichi. <sup>30</sup>Ngó yesu, éta na bhologogo bhabho, idji kena. <sup>31</sup>Idji dulua a Kapenaunu, ndei ya dhene ya Galileya; ka idji gulusia, bhusi bwa sabato. <sup>32</sup>Bhadjukua na masua mase migulusia dyia ubhivfia na dyoi la kpingbi. <sup>33</sup>Ugbokiana asemele na Sinagogi mushe tomoi ubhia na lokulu la bhagu bhamavfufva, ka uvfamaka na dyoi ta likali: <sup>34</sup>Ah! indje unguso uwo tunanu nao Yesu Nazareti? widja ikotubhungusia. idje na taa owe mona wa kengo wa Mbali. <sup>35</sup>Yesu abhavfamilia n'inensua: katana kavfundua anga mushe ono. kakumugu inenkulia a bhologogo bwa étulumilo, ka idjivfundua angese, sankiese ta bhuhia ta bhumi. <sup>36</sup>Ibho bhatopa bhondua, ka ibhiyanaka ibho ngungu: Indjé livfia lino? avfivfania na dyoi la kpingbi ka na lokulu anga mavfufva ka n'ibwiesa! <sup>37</sup>Kana mbino djese djavfandjala bhigula bhitopa bha mibhongo. <sup>38</sup>Ivfundua lese a Sinagogi, idjikenya ayavfulu ya Simoni. Imyamota Simoni undja mwali oka mobhita kpingbi ikoeté, ka bhanvfema abhavfulia. <sup>39</sup>Yesu abhamba kalibho nana k'avfamilia ndutu ka ndutu ivfundua. N'avfumbu iyo manga tema ka n'ibhakambila. <sup>40</sup>Ambusa n'idulua la dyuvfa idjakolo bhatopa bhaa bhuhia bhagwale na ndutu kuvfikuvfi bhabhadisia angese. Abhatulia obho anga mushe tomoi-moi ka abhabhikisia. <sup>41</sup>Na bhagu dyokuto ivfundua anga bhugi wa bushe n'ivfama ka n'ivfia: Owe mona Mbali. Ngé abhavfamakila ka s'ondese ibhatikila bhavfi, mungusa bhudjibha ta idjé klisto. <sup>42</sup>Apindi n'ivfundua la dyuvfa, idjivfundua kan'ikena a égula temoi iyo s'ibhiese na bhushé ghyombo ta limoi la bhushé bhanvfungakalaikiana angese dyia ubhia bhabfunga la bhansigila mungusa bhane kontikile bhaneko bhatike kamo. <sup>43</sup>Ngé abhasua: Kiya dyokuto ékovfiye andei djimo dja dhene masua ma makima ma Mbali. Ngé munguso uwo yidjelia mono uwoo. <sup>44</sup>Akenila n'igulusia abha Sinagoge bha Galileya.

## 5

<sup>1</sup>Tuku Yesu ubgokiana oa m'kpambga wa ekuko ya dhene taa Geresaleti, ka toku etulumilo ükpata nisia egula etopa yhulu li iyoka livfia la Mbali, <sup>2</sup>Ena a ekulo ya dhene bakúkú ta bhavfiki, aa bha bhangia bhu sika dyuku liokia makila mabho. <sup>3</sup>Akpataa tomoi wa bhakúkú bhaa, undjo ubhia wa Simona, ka abha vfema taa abhambi taa bua na misia. Kúsa á djunana, ka á kuku avfanisia etulumilo. <sup>4</sup>Dyaa uma la ivfia, a sowa Simoni: kená a malivfama dhoù, katu wái makila manunu bhangí. <sup>5</sup>Simona akpatania: Bhwáná, ta kamba leli bhotio kubhutubhu mbese idunga ema téemói; nge, na livfia lai, etuikamo bhokila. <sup>6</sup>Dyaa bhu tuwa, bhavfuta a bhugi wa titi, ka bhokila bhuavfundi a. <sup>7</sup>Bha vfana abho anga bhange iko bha vfulia. bheena ka bhaa idjalisia bha kúkú taa vfili, ka libho nilinda. <sup>8</sup>Dyaa wena eto, Simona Petelo a kuwa a malu ma Yesu, ka avfia: Bhwáná, une luta nami, dyulu djaa emi muse wa zambi. <sup>9</sup>Ngo asangala nüu dha, idje ka na bhatopa bhaa ubhia nabho, na libhanga lio bhukia. <sup>10</sup>Ibhia namuna ku teemói anga yakobho na anga Yoani, mona wa Zélédéa, bhangena Simoni. Dyaa Yesu avfia na Simoni: mbese iyondua; tangu bhusi bhuno ugwalie um'bhanga wa bhuse. <sup>11</sup>Ka ku ibho isikisia bha kúkú a munge, ibho itikila bhitopa, ka ni bho inemikaka. <sup>12</sup>Yesu ubhia a ndei teemói ya ndei dya dhene dhene, ka ena, muse tomoi wa bhuko ma, dyaa umena, a kuwa apele nana, ka a lilila nine vfema: Bhwáná, ani wonduwe, oo pasie inikpudhu sia kengo. <sup>13</sup>Yesu aa vfáná obho, a m'bukula, ka avfia: Yoonda, gwala kango. Dyika ka bhukoma ilugwa. <sup>14</sup>Ambusa aa dye dya taa susowa muse. Nge, avfia idje-mukulao, kéná kone vfanisia anga n'koli, ka oowa ikulu likengolana laye tuku Musa ulusia, ambusa dyaa anga bho igwali tuku bhusamboli. <sup>15</sup>Lokuku leese la vfandjala ka nibhikisiana na nduu dja bho. <sup>16</sup>Ka idje, a ne luta asemele na m'pena wiseke, iko vfema. <sup>17</sup>Bhusi ta bhumi Yesu ubhigulusia. bha Falisayo ka na minganga ma bhutumba bhuhia bhadjumane dyi kaa, bhuidja a ndei djitopa dja Galilaya, na dja Yudeya ka dja Yelusalema; ka na lokulu la Bhwáná lenikiana nibhikisina. <sup>18</sup>Ka enai, bhuse, bhaa vfevfa a ndalo muse tomoi ubhia etukúkú, bha vfungala ta bha n'tanga nisia ka taa bha ma vfisia apele náná. <sup>19</sup>Tuku bha djibhe a bho taa bha n'tanganisie nia, dyulula abhugia bhuse, bha kpata a govfala, ka bha bhuhukula etumba bhatipaki, ya iyeta na ndalo yese, a bhologogo bha etulumilo, apele na Yesu. <sup>20</sup>Aa wena idjelia leese la m'pumatima, Yesu ivfia: muse, zambi djai dje sisiana. <sup>21</sup>Bha kpalua ka na bha falisayo bhawaza kanivfia: neni kotio uno, un'kufulue Mbali kalesi? <sup>22</sup>Yesu a djibha masua ma bho, a bhakpetania ka nivfia: indje masuwa maa nu nao asemele na mipumatima manu? <sup>23</sup>Yania iyo yetie ekima, nivfia: zambi djai djesisiana, ao ni vfia: ta owe tema, ka luvfa? <sup>24</sup>Nge, ta nu djibhi taa mona wa muse wikulu la kisi una lokulu liye sisia

mazambi: yane lusia, avfia dyito na etukulu, owe tema, geiya ndalo yaye, ka kená angae na yavfulu.<sup>25</sup> Ka, na dyikaa, idje itema apele na bho, ageya ndalo iyo ubhia mulale, ka akena a yavfulu yese, aa bibá Mbali.<sup>26</sup> Bhatopa bhu sangala, ka bhaa bibá Mbali; bhidjala na bhuwa, bha vfia: tee na bhusi bhuno bhima bha avfavfi.<sup>27</sup> Ambusa dyaa, Yesu ivfundua, ka ame na mupibilika, m'bhisiiane ta Lewi, mudjumane a egula iyo bhubhi vfindaka. idje ine sua: indika.<sup>28</sup> Ka, atika etopa, a tema, ka amika.<sup>29</sup> Lewi amuwa ema teemoi ya dhene angese ya vfulu, ka bha pibilika bhagi ka na bhamo bhuse bhubhi djia na bho.<sup>30</sup> Bha Falisa yoka na bhakpalua bhángúngúmáká, ka bha vfia na bhatende bheese: neendje na dyia ka na nyuwa na bha pibilika ka na bhuse bha maisha mabhibhi? <sup>31</sup>Yesu, avfia, a bha sowa: indjese bhaa bhamebhi kpimbgi bhaa bhana kulu ya munganga, nge bhaa bhana ndutu.<sup>32</sup> Sidjami ibhisia bhuse bheendjini bhatubhua; nge yüdjá anga bhaa bha mazambi.<sup>33</sup> Bhaa sowa: bhatende bha Yoani, ka na bha bha Falisayo, bhuhhisikaka idyia ka bhubhi salakia mingó na mingó, ngo ibhangae bhabho ku idyia ka ninyuwa saa etopa.<sup>34</sup> A bha kpetania: nutokie isikisia idyia bha mbenyi bha mulume a evfumbu iyo mulume suku na bho? <sup>35</sup>Masi maa midji bhio dyia mulume wesisiani na bho, a masi maa dyia bha siki bhio idyia.<sup>36</sup> A bha sowa dyokuto sokáká ta simoi: muse tomoi andji vfunduese ngombe yese ya basi etati ka alukania na ngombe yese ya mbge; ka a vfundu ngombe ya basi, ka etati ya ngombe ya basi sidjese a ngombe ya mbge.<sup>37</sup> Ka muse undji avfisia engoka yekima a libhombé la livfundue; ambusa, engoka yekima evfundu mabhombe, iyo üvfandjala, ka mabhombe ibhunga; <sup>38</sup>Nge ekpie iyávfisia engoka ye kima a mabhombe ma makima.<sup>39</sup> Ka muse, mbusa ninyuwa engoka ya mbge; andjonduese ya ketetino, ngo uvfie: engoka yambge iyo iekima.

## 6

<sup>1</sup>Yakiana, bhusi tabhoi bwa sabato ubhia swetiye asemele na mabhulu na mafaka. batende bese bhubhia bhatinakie bhituko bha nafaka na ibho idyia n'iesisiya bhivfavfo amabho mabho. <sup>2</sup>Bhamo bhafalisayo ibho inensua : mungusendje na kia eyo indese yondusiane ikiya abhusi bwa sabato ?<sup>3</sup>Yesu idjbhamanyula: nundimwanu bhasome éyo Dawidi ukiya, dyia upata égwa, idji kanabgushe bhaa ubhianabho; <sup>4</sup>tuku tita ulumila asemele na yavfulu ya Mbali, igeya mikate miyo bwavfia adyia ka n'iowa bhaa ubhia nabho mulungo, imbese tuku sibhiese yondanisie na bhakoli idyia? <sup>5</sup>ka idji bha sua: mona mushe idje ubwaná wa sabato.<sup>6</sup> Ya kiana, busi bhumo bwa sabato, ngó Yesu alumila asemele na sinagogi, ka ubhigulusia. ugbokiana mushe tómoi undjo obho wese w' ilume s'oma. <sup>7</sup>Bhakpalua na bhafalisayo bhine bhono na Yeah, isualiena aniobhikisie bhusi bwa sabato : ibhiya dyo kuto ivfungakala Koko ya inensitaka. <sup>8</sup>Ngé adjibha ingiko labho, ka ansua mushe undjo obho s'oma: tema, ka tema dyia a boligogo, idjitema, ka itikala nteme.<sup>9</sup> Ka Yeah ibhasia: ya neiya nuwe ani yondusiwa, bhusi bwa sabato ikia bhumba so ikiya bhabhu, ibhikisia mushe ao ine moka. <sup>10</sup>Ambusa idjé luvfusia madjo angabho bhathopa, idje ineneua mushe: nanuwa obho waye. idje nanuwa, ka k'obho wese ibhika. <sup>11</sup>Kw'ibho ihidjala na bhusungu, ka Kw'ibho iyiyana ka isua lidjibha bha yititani anga Yesu.<sup>12</sup> Evfumbu iyo dyia, Yesu ikena ikulu lantala dyulu livfema, ka idjietisia botio kubhutubhu s'uvfemie Mbali. <sup>13</sup>Dhya bhusi bhugiya, abhisia batende bese, ka asona angabho ta bhuu na bhako ta bhavfili bhaa ubhawa linya la bhagega:<sup>14</sup> Simoni undjo umuwa linya la Petelo, andele wanyese; Yakobo, Yoani, Filipo, Batelemi; <sup>15</sup>Matayo, Tomasi, Yakobo, mona wa Alufani; Simoni, Ubhisi na Zelote; <sup>16</sup>Yuda, mona wa Yakobo; Yuda isikaliota, undjo unkulusia mona Mbali.<sup>17</sup> Abulua mulungo temoi nabho, atema na étundulu, Dhya ubho ka dhyombo la batende bese ka ndhyombo la batende bese ka na dhyombo taligi la Bushe bhayuda, bha yelusama, kan'ankpambga was tilo na sidonia bha bwidja ikonemoka, ka m'ieka ikobhika na ndutu djabo. <sup>18</sup>Embi bhaa bhubhiya na ndutu dja mavfufva bhubhika. <sup>19</sup>Ka dhyombo litopa bhongakala taa bhambukula, mungusa lokulu luwo luvfundua angese lubhabhikisia bhatopa.<sup>20</sup> Yesu atubhula madjò éna batende bese atatika ivfia nabho: Seyayi nuwe bhaa nuna ibholua mungusa bhukota bha Mbali bhubhanu. <sup>21</sup>Seyayi ketetino bhaa nuna éngwa ! Seyayi bhaa nuliliye ketetino mungusa n'ugwaliye bhio asemeleé n'iseya !<sup>22</sup> iseya lanu ligwaliye dhya bhanebhie nuwe, bhanesangiye nuwe, bhanefvendi nuwe, n'ibhitaka linya lanu n'ivfia mavfia tititi Isuw la Mona mushe. <sup>23</sup>Seyayi bhusibhuwo kanitumbaka n'iseya, mungusa evfumbo yanu igwali ta dhene ikulu nanguvfa, minguso mikumiyo bhidjebhabho bhubhika bhankanga bhabho.<sup>24</sup> Ngé bhu khúkhú anganu bhagumusia, ngó nuwe bhagunia nuna évfindo yanu. <sup>25</sup>Bhukhúkhú anganu bhaa n'ogutá ngó nugwalie n'égwa bhukhúkhú na bhaa nuna tola ketetino, ngó nugwalie asemeleé ligusia ka na madjoli.<sup>26</sup> Bhukhúkhú January bhaa bhushé bhatopa bhavfiye bhasumba ngó bhijebhanu bhabhivfia ikulu la bhakanga bhá ebhela.<sup>27</sup> Ngé yanesua, nuwe bhaa nuindkiye: ondoyi bhakodu bhanu, kiyayi bhusumba Anya bhá bhanebhitiye nuwe. <sup>28</sup>Ubhatuliyai tochimbo bhaa bhanabhuhhi nanu, tubhilayi isua la bhaa bhanekiye bhubhik.<sup>29</sup> Ani mushe anevfula alopanga la lilume unebasia Kuna la dhyali. kani mushe ageya lokimba late sunsikisiya nigeya dhyukuto na dhyasemele. <sup>30</sup>Owa mushe ntopa until und vfemiye, ka suvfemi kamo ane kpudusiya.<sup>31</sup> Eyo wondu bushe bhanekiye ubhakiliya ibho dhyukuto. <sup>32</sup>Ani Honda bhaa bhanondu nuwe nuuda Indje obibo laho? <sup>33</sup>Ani wakiya bhusumba Anga bhaa bhanekiye bhusumba, indje obibo lanu luwo udhuduwé? bakiya bhubhi bhukakiye dhyukuto namuna temoi. <sup>34</sup>Kani nowa vfute Anya bhaa nubhakpalie ivfunda Indje obibo lino nuunduwé? bakiya mabhi bha bhakakiye vfute Anya bhakiya mabhi mabhi ikulu la bhuhiganisia dhyukuto.<sup>35</sup> Ngé ondayi bbakondu bhanu, kiyayi bhusumba, ka owayi vfute ya mbese lkपालीya. ka evfindo yanu ingwaliye ta dhene, ka nugwalie bhana bhaa bhaa ondjo wikulu leete, ngó idje unkima Anya bhaa bhandabho n'ikakiya kan'anga bhakali. <sup>36</sup>Kenilayi n'igwala na bhukhúkhú tuku idjanu umushe wa bhukhúkhú. <sup>37</sup>Mbese nuwe irina butumba ka bhandje ne tiniliye nuwe butumba ta bhaa; mbese ibhitakisiya ta bhuwa, ka nuwe bhandje ne bhitakisiye ta bhuwa; okiliaye bhukhúkhú ka bhanokiliye nuwe bhukhúkhú.<sup>38</sup> Owayi, ka bhano uwe nuwe dhyukuto: bhá bhunguluwe asemele n'ekemo yayi kepimo was nkima until bhakol ne pimiliye bhi naho.<sup>39</sup> Abhasua dhyukuto livfia lino: mushe was bhutithi onlutuwe manganana wa bhutithi ? bhande kuwabho bhatopa asemele na

lichiya ?<sup>40</sup>ntende Ande mwetiye yese mweli wese; ntende ntopa undjo agulusiana ékima ukianiye tuku mweli wese.

<sup>41</sup>Mungusa indie owe Wana sibisi sio asemele n'alidjo la wano ka okandi iyena sisulu s'asiti sio s'asemele na lidjo laye ?

<sup>42</sup>ka onensua wano: minimal, itikila ye s'isiya s'ovfoli siyo s'asemele na lidjo laye, k'owe s'undeniaye s'isulu sa s'iti sio s'asemele na laye ? mushe w'ikombaka, esisia mba pimiliye s'isulu sa s'iti siyo s'angaye na lidjo, ka vfia kotino w'eni ketino dhyitani wesiye s'ovfoli siyo asemele na lidjo la wano .<sup>43</sup>Indeed na eti y'ikima iyo ibhutuwe puma djadjibhibhi iyo ébhutuwe puma djadjikima. <sup>44</sup>Ngô éti étopa édjbhikianie na puma djese. bhandje kolakiye abho masau ikulu la éti iyo inamabhiyo; ka bhandje tinakiye zabibu ikulu la éti ya bhuwa.<sup>45</sup>Mushe nkima ubhiakiye bhima bhá bhikima a lito la mpumatima were, ngô Mushe mbhibhi ubhiakiye bhima bhá bhibhibhi a lito la mpumatima were; mungusa anyue ese uvfiye bhima bhiyo bhidjala a mpumatima were.<sup>46</sup>Mungus' endje nuibisakiye bwaná bwaná ! ka nuwe nunde kianu bhima bhiyo enesuwe nuwe ?<sup>47</sup>enevfanisiye nuwe na undjo umuvfelane na Mushe mtopa w'idja angami, w'okiye minguso Mami, ka n'imikambisia. <sup>48</sup>Avfelana na Mushe tómoi undjo, a kpela yavfulu temoi, achiya, lichiya ta dhohu, ka avfsia bekpra bhá mabhyi.ndjoo temoi idja, ka kesukwa ikuliya yavfulu iyo, s'itokese ibhukuwa, mungusa ikpelana tekima.<sup>49</sup>Ngô undjo woka, ka umbese idjikambisia, avfilana mushe tómoi undjo akpela yavfulu temoi ikulu na misiya, mbese bekpra. kebhungu ikiyana ikulu laho : s'ilivfiyese kuikuwa, ka mokumango wa ikulu wa yavfulu ya bhá ta dhene.

## 7

<sup>1</sup>Ambusa imala ma vfia maa uba vfia n'étulumio la bhusha bhaa bubi m'okama, Yesu itangana na kapernamu.<sup>2</sup>N'dumanga tomoi wa ba sudha ubiye na libenye lese lio umunda t'eege, ngee asambe ndutu kali kali niogwa. <sup>3</sup>Dyia wooka mbino dya Yesu, abesua ba gagulu ba bayuda bokeni bako nkomula, udji ako n'bikisia n'kobésè. <sup>4</sup>Evfumbu iyo bakiana anga yesu ka ibuitatika na no ine n'komula t'eege n'ivfia: ikpa on kilia dyokuto, <sup>5</sup>Isua l'indji ondaa ekita yaasu, ka idje endjo utu kpelia sinagoge yasu.<sup>6</sup>Yesu akena nabho mulungu. evfumba iyo bakyana thekeoche na ya vfulu, undjo n'dunuanga wa basudha, an kinishia bambenye beese kulu liinensua: bwâna, su gwaliai na mokonde ketifi indjaani na yeenu liene bisiya angami na ya vfilu. <sup>7</sup>Nge isua lio edjiena mo n'ota indji tokiaini ikiyana angai. nge vfia livfia tha l'imoi, ka mushe a nu wa mokambo ubikie. <sup>8</sup>Mungusa emi dyo kuto yu ichi la lokulu, ka nyukato ana vfuko laani bhaa bhu ihi na lokuelu lami: ani ya n'sowa wao, kena ka n'ikena! ka wom'on ata uka! n'idjidja, ka n'enu ine n sua nkobe wani nata kiya tano! ka n'idji kia.

<sup>9</sup>Evfumbu iyo Yesu oh kamila mavfia maa, agerta ikulu la mavfia maa, ka ane basia ane basia nyomeo diya bushe tha bhaa gi bhaa bhu binuka,avfia: ya ne sua nué imbiese n'instraeli sie n'eami ka sigbokiami mushe wi injilia tuk'uno.

<sup>10</sup>Ikpundha labo a ya vfulu, bushe bhaa bhu tindi kiana na n'kota wa bhaa sudhaa ko kon gboka sa bika na ndutu djio.

<sup>11</sup>Kanumaa busi bui ekeka Yesu akena a nolei temoi iyo ba n'ala nain, batende bese ka n'aamugia dyiombu buluvfa n'abho a paki. <sup>12</sup>Dyia bu kiana kabi kabi n'ekuseya ndu, ena bunvfevfa mushe komoi s'oogua mona mogonda wa mwadyia lotika kubia na bushe ta baagu bhaa ndei. <sup>13</sup>Bwâna amena Mwali djo, amenela bukuku ka ansua: su lili kaa nio. <sup>14</sup>A bamba, ka abuvfula ndalo ya molio bhaa vfu vfevfa bha thème avfia: moma mulume ya neswa thème. <sup>15</sup>Undjo wo ogwa adjumáná, ka andja ivfia. Yesu amuanishia anginyese.<sup>16</sup>Ibo bhatopa boondua, ka balombisia Mbali nubuiivia: nkàngá dyene avfundua aboli goge asemele bhaasu, ka ako nyunya bhusha buse. <sup>17</sup>Na mbino djimo dja Yesu dja lagana anga bayuda na kisu n'topo wa nibongo.<sup>18</sup>Yoane iko oka minguso mio nitppa ioge na hiima beese kuna bhusha. <sup>19</sup>Idju bha bhusika bha vfili, ka aba lei shia anga Yesu, mungusa inee miya: o wee ndjo wee kiiyei, ao úku na-woomo undjo tumsi bha kakie? <sup>20</sup>Ikiyana labho anga Yesu, bhaa muya: Yoane Botiste atutumbia Angaü, iko n'esua n'ata, oowe endjo yee ao tun sibhaaka wóomon undjo wee kiiye?<sup>21</sup>N'eevfumbu yo kuiyo, Yesu a bikishia bhusha bhaa gu bhaa bhulivfia na nolutu, ka kuna bhaa bhu bhuya na ndutu dja mavfufva, mangaa abhaa phudhushia endjeni bhaa bhogwa moo madjo. <sup>22</sup>Ka idju bhaa phudhushia: kenaü kon sua Yoane djio n'ena ka niyoka: shaa bhoogwa ma djo bhee na, bhu ongwa bha shushu mua bhi thu kulu bhaluvfa, bha nduta djo obhiingi bhoo kiana, livfia la bhusumba livfele là bha bhooka. <sup>23</sup>Suyai owe indjo ogwa liombese ine ko gwale nai tuku mulungu.<sup>24</sup>Evfumbi oyo bha tindikia bha Yoane bhu kema, Yesu a andja ivfia na lombutu luo osua dya Yoane: indji iyo nee na dya na kena leli amulua? mathike ma mabha nedigana kia na movfufu? <sup>25</sup>Indjuyo ko lengishia? mushe undjo asala ngombeekima dja likoli, ka na bugwalo bhaa bhu kima, inkoo bfe bhaa bhaa semele a biavfulu bha bhakota. <sup>26</sup>Ka inoyuyo nee na lele? ntanga thamoi ee ya ne sua nue n'ata idje bha thoopa.<sup>27</sup>Idje endjo wandika, enai, ya dishia mbino djio anga na bhosio, mungi ua othululea paki ya a pele nai. <sup>28</sup>Yanesuwa muwe, bhatopa bhaa bhuhhu talana bhali, indeed na ndjo ondumanaga anga Yoani ngo, undjo andadu mu kwete asemele na bhutoka bwa Mbali idje undjo, ondumanga angese.<sup>29</sup>Ka mushe ntopa undjo umoka ka Kuna bhá vfindisia manjonjo bhabhu vfia njalisia bhiwe ndjine bhá Mbali: ka n'idjinisia a n'indjina la Yoani; <sup>30</sup>ngé bha Farisayo ka na bhá bhundjibha bhutumba egi bhusha ka idjina angese, bhenabho angabho ta bhusumba bwa Mbali.<sup>31</sup>Tulu na neni undjo tune kanganisie na bhusha bhá ngeino,ka ni bhá vfila nisias ? <sup>32</sup>bhavfilana na bhanabhaa bhabhudjumane étulumilo, ka n'nevfilakakia ibho na bhamo, bha vfiya: ta novfulia nuwe mondoli kanu bhinanu; tanebhelia nuwe aligua ka nulhilanu.<sup>33</sup>Ngô dyuwa adjinisia dyaa weka, Sa bhadyese ka sanyuwese ka nue inewa ta ona bhagubha mavfufva. <sup>34</sup>Mona mushe idja n'idhiya ka n'inyuwa ka nuwe inesuwa: ta unyusia ka udyisia, mbenyi wa bhavfindisia manjanja ka na bhusha bhabhá bhibhi. <sup>35</sup>Nge bhutumba bwenikana anga bhana bhese bhatopa.<sup>36</sup>Mufarisayo tómoi avfema Yesu bhá dyenana. Yesu alumia asemele na yavfulu ya Mufarisayo , ka idje idjuman' n'idya. <sup>37</sup>ka bhana mwali tómoi akia bhuhbhik undjo ubhia asemele na ndei, dya mangoka taa okunedya asemele na yavfulu ya Farisayo, adisia ékulu ya Alubasi ta idjale na mada membua, <sup>38</sup>ka adjumana ambusha na makulu,ma Yesu sulhilhie; ka ketitino ovfsia makulu ma Yesu na madjoli mese, ambusha ambulula na ngbilhi djese, ayambia ka ni ne ntilia mada m'embua.<sup>39</sup>Mufarisayo undjo ubhisia ena eto avfia antima wese ku bnanene:

Ani mushe ona subha ukanga, ambadjibha aneni ka omushe wa tita na ono mwali undjo ambulula, amba andjibha ta omushe mbhibhi. <sup>40</sup>Yesu adunga livfia, ka idje inesua Simoni, inema temoi eyo eneswa idje inemanyula, mwali vfia. <sup>41</sup>bhushe ta bhavfili na umpolo wa mushe tomoi: tomoi na mpolo walaki tifu ka womo makomi tifu. <sup>42</sup>Tulu bhabhá nemayine vfinda, idjibhatikila bhatopa bhavfili na umpolowo. anga bhushe bha notabhavfili wanianja amunda ége ? <sup>43</sup>Simoni amanyula: yengi ka, ta ondjo atikila nap égi . Yeah asuwa: watina mutumba bhakima. <sup>44</sup>Ka indje inebasia alopasika la mwali, kidje ne suwa Simoni: wamena mwali no ? yalumila asemele na yavfulu yae, ka swinduaye malivfa miyokia makulu Mami; ngô indje, avfisya na madjoli, ka nidji bhulula na ngbilhi djese. <sup>45</sup>swidungiami makulu, ngô idje Tuku yalumila leli, idje andjese mutikile inidunga makulu. <sup>46</sup>Subhungulai ikulu lantuami; ngô idje, abhungula mada membria a makulu Mami. <sup>47</sup>Ikulu ladyito,yanesuwa, bhugi bwa bhubhi bhweise yabhutikila: dyulu dyidjionda égi. ngô undjo usamie ta bua ondu ta bua. <sup>48</sup>Ka avfana mwali: bhubhi bhwayi bhwatikila na. <sup>49</sup>bhá bhabha ameza nabho bhatatika ivfia ibhongungu: neni uno udjo ulugusie bhubhi ? <sup>50</sup>ngô Yesu ansua mwali: idjelia late Lane bhikisia, Kena ikima.

## 8

<sup>1</sup>Kaamo, Yesu ukena a ndei dja dhene ka na djabhuwa, igulusia ka na ikokolia livfia la likima la bhukota bha Mbali. <sup>2</sup>Bhaa bhúú na bhano tabha vfili bhubhia nana, ka na bhali bhamo bhaa bhú bhia bha bhike na mipumatima ma sulu ka na ndutu: Malia, mbisiane wa Magadala, anga udnjo bhagu sabha bhu vfunduwa angese, <sup>3</sup>Yoana, madya wa Kuza, angbela bhima bha Elodi, Susana, ka na bhagi bhaamo, bhaa bhun'kambila na bhima bhabho. <sup>4</sup>Dyombo ta dhene li kumanila, ka bhushe bhu idja á ndei dja dhene angese, ú vfia mbendo ino: <sup>5</sup>Muonesia tomoi ukena iko ona puma djese. Toku ubhiona, puma djimo dji kua na paki: iletiana na makulwi ka manoli ma ikulu la nguvfa ma dji dhia. <sup>6</sup>Djimo dja kuwa á na bhoi: dyaa dji tuwa, dja oma, mungusa sibhaese na misia mya mikima. <sup>7</sup>Djimo dji kuwa á mabhiyo: mabhiyo ma tulia, ka mabhio ma dji sigila. <sup>8</sup>Djimo dja kuwa á misia ma mikima: dyaa dji tuwa, dja bhuta puma mingo miyo temoi. Ambusa na ivfia, Yesu avfia ta ikpe: kia undjo ú na matoyi ma iyoka á oki! <sup>9</sup>Bhatende bhese bhu miya iyo ivfie mbendo ino. <sup>10</sup>A bha kpetania: nu bha bhaowane taa nu djibhi sili ya bhukota bha Mbali; nge anga bhaamo, ibha souwe na mbendo, ambusa na iyena bha enitaabho ka bha okitabho, bha djibhi ta bho. <sup>11</sup>Enai iyo ivfie mbendo ino: puma i livfia la Mbali. <sup>12</sup>Bhaa bha á paki, ibhaa bha bha okie; ka mugu i idja, ka iesisia á mipumatima mabho livfia, na bhuwa bha taa bhane djelie ka bhane bhike. <sup>13</sup>Bhaa bha ikulu la mabhio, i bhaa dya bhu okie livfia, bhali dunguwe na isea, nge bhandje abho, na milika, bha djelie na evfumbu, ka bha kúúe á wakati wa madyalibho. <sup>14</sup>Djiyo djibha kena, ka bha litikila lisigilane na mawazo, na bhugumia ka na kulu dja kisi, ka bhandje bhutu abho puma dja djioluwe; <sup>15</sup>Djiyo dji kuwa á misiya ma mikima, ibhaa, na iyoka livfia na mpumatima wa endjini ka na wan'kima, bhu litunga, ka ibhuta puma na ibhelia. <sup>16</sup>Mushe, ambusa na itshuanisia lobela, andje lu sigie ese na yakuku, áo ilu avfisya á itshi la ndalo; nge ú liavfisie á ikulu la yakuku, ambusa taa bhaa bha lumilie bha eni mpena. <sup>17</sup>Mungusa indjese na ya ialiya iyo indje enikianie ese, indjese na sili iyo indje gwaliiese mbese idjibhi kiana ka iyenikiane. <sup>18</sup>Bhonai kotiyo namuna eyo na oka. mungusa bha múuwe ku undjo ú nao, nge anga undjo andjese nao bha mesisie kuna iyo ú kpalie taa ú nao. <sup>19</sup>Nyinya wese ka na bha wanya bha Yesu bhu idja iko mena; nge bhatoke abho ine bhamba, dyulu la dyombo; <sup>20</sup>Bhan'sowa: ano ka na bhawazo bha á bhovfo, ka bha na kulu wa ine ena. <sup>21</sup>Nge á manyula: á dye ka na bha wanyinya bhami, i bhaa bha okie livfia la Mbali, ka ili kambisia. <sup>22</sup>Bhusi ta bhumoi, Yesu udjamila á kuku wa dhene na bhatende bhese; abhaowa: tu etaia moli ú womo waa ekuko ya dhene ka bhukena. <sup>23</sup>Dyaa bhubhi kena, Yesu ubha mulale aligaa wa kesu kwa ú vfundia á ekuko ya dhene, kuku wa dhene ú idjala malivfa ka bhubha kalibho na ilinda. <sup>24</sup>Bham'bhamba ka bhan'susumuwa na ivfia: Bhwáná, Bhwáná, tuneke linda! Na isusumuwa, á vfanila movfufu ka na kesukuwa á ibha, ka bhuguwe bha ouwa. <sup>25</sup>Ka abhsowa: idjelia lanu li niya? Bhaouwa na bhuwa ka bhu sangala, bhadji vfilia bhaa na bhaamo: uno ú kotiyo neni, undjo ú vfanilie movfufu ka na malivfa, ka bhwa mesimia? <sup>26</sup>Bhusiká a etuko ya bha Garanasia, iye ebhonane na Galilai. <sup>27</sup>Dya Yesu udhuluwa a misia ,ena apele nana mushe tomoi wa ndhei ya dhéne, udjo ubhia ulumbe na abhugi bwa bhagu. a evumbhu ta etaa sabhisakala tese ngombe, sabhese na igula ya ilala mbhese sugweye, nge sugweye yese ibhia ese kwa a madjako. <sup>28</sup>Dyka umena Yesu avfama, akuwa amakulu mese, ka avfia na dyoi ta likali: idje yao yangami ka na angai, Yesu, mona wa Mbali wa ikulu la nguvfa? yane komola mbhese ini teta nyiya. <sup>29</sup>Ngo Yesu asúsúlia mugu avfunduwa anga udjo mushe, udjo ubhiya sakpela evfumbhu taa eta; bhubhi ngwela usanga ke na minyololo ka na djuka amakulu, nge utinaka bhio usangianaka nao, ka ukonetinda na mugu asemele na mipena m'iseke. <sup>30</sup>Yesu amiya: linya lai neni? legio, akpetanyi a djuto. ngo abhugi bwa bhagu bhubhiya salumila angese na mobhi. <sup>31</sup>Ka bhavfema dyoka Yesu mbhese idje ikena ikobhatuwa alichia. <sup>32</sup>Ibhia dya, asemele na n'tala, aliga wa ekumbu ya kuluvfe iyo ibhia etaá.ka na bagu bha n'komola yesu na taá abha lusia bhatangana asemele na kuluvfe djio. Yesu abha lusia bhatangana a kuluvfe. <sup>33</sup>Bagu bhavfuduwa anga udjo mushe, bhatangana anga ba kuluvfe, ka ekumbhu ya kuluvfe ya tinika makulu makpangane ya kochubhia a ekuko ya dhene, ka yalinda. <sup>34</sup>Bha bhubhi ngwela kuluvfe, bhéena a emeyo ikiyana, ku ibho ikena mavfi, ka ibho ikena na lokúkú lalivfia liya a ndhei ya dhene ka na asemele na bhitaanda. <sup>35</sup>Bhushe bhakena ikoena iyo ikiana. bhaena a m'bhongo wa Yesu, ka bhabgoka mushe udjo ubhia na bhangu, udjumané a makulu mese, usale ngombhe, ka na hari ya bhusumbha, ka bha bhidja ku mebhi ibhalula. <sup>36</sup>Bhaá bheéna tuku yeta bhalondola tuku udjo ubhiya na bhangu ubhikishiana. <sup>37</sup>Bhushe bhatopa bha ekita epopa ya bha galesenia bhuvfema Yesu aesi angabho, ngo bhubhiya bhidjala na bhuwa ta dheéne, ku yesu ikpata a kúkú, ka ku idje ikhidha. <sup>38</sup>Mushe udjo ivfunduwa bhagu angese na mobhi avfema luúsa taa bhatikala nana. nge Yesu asaga, ka na ivfia: <sup>39</sup>Kudha angai na yavfulu, ka londola etopa eyo mbhali anakilia. akena, ka na idjibishia na a ndei ya dhene etopa eyo Yesu ukilia idje. <sup>40</sup>A ikpundha lese, Yesu abhigiana na étulumilo, ngo bhatopa bhu bhi isibha. <sup>41</sup>Ka enai, mushe tomoi, linya lese

yailusi, udjo ubhiya n'ukota wa Sinaghogi. akuwa amakulu ka komola taa atangama asemele na yavfulu yese,<sup>42</sup>Mungusa ubhia na mona mwali kutomoi. iekika miaka tbu na mino tamivfili udjo ubhiyo sogwa. dya yesu ubhia sukenie, ubhia ukpwatane na ethulumilo.<sup>43</sup>Ango, ibhia na mwali thomoi udjo ubhia na iethisia manyuika miaka ta bhuú na mimo tavfili, ka udjo ubhia sabhalishia bhima bhese bhitopa anga nui nganga, tomoi sudhane sewa inebhikishia. <sup>44</sup>A m'bhambha bhina mbhusa, ka abhukula chiya ya ngombe ya Yesu. ku dyika ietisa la manyika itinyia anga mwali ndjo. <sup>45</sup>Ka Yesu ivfia: neni udjo ibhukula? tuku bhatopa bhilambhula, petelo ka na bha ubhiya na bho: bwana, etulumilo ya nekúumbha ka yane kpatanishia, ka wavfia ta neni udjo ibhula? <sup>46</sup>Nge Yesu ikpetanya: tomoi ibhukula, ngo yadjibha ta lokulu ta lumoi lese angani na mobhi.<sup>47</sup>Mwali, adjena ta adjibhikana, idja sukpokpumuwe akuwa amakulu mese, ka alondola apele na bhushe tukú abhukula chia yese ya ngombe, ka toku ubhika dyoka. <sup>48</sup>Yesu asowa: useke wami, ikolia laila nebhikisia; kena ta guwe.<sup>49</sup>Tuku ubhiya sukunefia kaama, yekaa anga ukota wa sinagogi mushe tomoi ivfia: useke wai ogwa; mbese inetetanyi bwaná. <sup>50</sup>Nge Yesu, oka eyo, avfia na n'kota wa Sinagogi: sonduwai, dje lie ai ku idjilia, ka idje obhikishanu. <sup>51</sup>Dya ukiana ayavfulu, sondhese mushe itangana nana, ku petelo, yowani ka yako bho, ka na idje ka na inya mona. <sup>52</sup>Bhatopa bhuhhila ka na inelabhia dyulu la mona. ka Yesu ivfia: nulilia nu; adjese mogwe, nge utolo. <sup>53</sup>Ka ku ibho inemosakia, bha djibhe ta ogwa. <sup>54</sup>Nge adhunga obho, ka avfia na nyoi ta likali: mona, owe-tema. <sup>55</sup>Ka ku upumatima wa mona ikpudha, ka dyokaa mona itema; ka Yesu abha susulia bhamwa bhima bhidyia. <sup>56</sup>Bha bhutia bha useke bhasangala, ka bhadyeya muvfia anu na mushe tomoi na eyo yeta ano.

## 9

<sup>1</sup>Yesu , akuluma nisia batende bhéese taa bhamo ta bhavfili , a bhowa lokulu u kulu la bhagu bhatopa , na lokulula ibhi kisia bhuse bha ndutu. <sup>2</sup>A bha tuma ikokolia bhukota bha mbali , ka ni bhikisia bhasambia. <sup>3</sup>Nu geanu ema temoi a lokendo lanu , a bha sowa yhito , taa n'tindo , taa mukulu , taa mokati , tee elinge , ka ta kimba tipili. <sup>4</sup>Anusu ya bhia vfulu bhio nulumilie gwalai djia; ka ivfe dyia ni-kenilie. <sup>5</sup>Ka , oni bhuse bhane bhigea nunue, vfundui andei ya dhene eyo , chuchulai suvfu ya bhitindi bhianu , tuku bha samboli bhabho. <sup>6</sup>Bha kena , ka na ibho ikena andei dja dhene dhene djitopa , ikokolia makokoma makinama alika nibhikisia bhaa bha bha na ndutu. <sup>7</sup>Herode n'kota ooka ivfana na etopa iyo ibhietia , ka sa djibhe ese iyo ibhietia. ngo bhamo bha vfia taa yo wani aomua a bhogusia ; <sup>8</sup>Bhamo taa Elia a enikiana ; ka bhamo , taa n'tambia tomoi wambge ungjo omuwa. <sup>9</sup>Nge Herode avfia: Yowani udu ngiana mono ; nini kotio wao undjo, ao yoki evfia na bhima toku bhuo ka avfungala ameni. <sup>10</sup>Bhate nde , nikpudha labho, bha londola Yesu etopa iyo bhukia. a bha geiya a nelutona bho a m'bhongo, a lopasi ka landei ya dhene iyo ebhi siana taa betesaida. <sup>11</sup>Bhitulu milo , bhia nika yesu a bha bhiga , ka abha sowa djulu la bhukota bha mbali ; abhikisia bhaa bhuhbia na kulu ya taa bha bhiki. <sup>12</sup>Tuku bhusi bhukpekisia ekpitila , bhatende taa bhoo na bhano ta bha vfili bhaa bhamba , ka bha sowa: kpudhusia etulumilo, na taa bhakeniandei ya dhene ka na abhitanda bhio bhi naa , iko lala ka nipata nanu na yidjia; ngo tu dyiano o m'pena wiseke. <sup>13</sup>Yesu abha sowa: nuwe bhakulu bha o ubhowai bhidhia. nge bha kpetania: tuasu ku mekati téé fu ka na tititupili , ebhongi mene dju dya bhuse bhano bhatopa. <sup>14</sup>Mungusa bhuhbia iye keka ele tano ya bhuse. Yesu avfiana bhatende bheese; ubha djumanisia molulu tomoi mokomo tee fu. <sup>15</sup>Bha kia djukuto, bhabha djumanisia bhatopa ichi. <sup>16</sup>Yesu ageya mekati teefuka na tititupili, ka, a bho na madjo a ikulula nguvfa, a bhalikia. mbusana djaa, abhuna mekati, ka a bhowa bhatende, taa bha vfakania a etulunio. <sup>17</sup>Bhatopa bha dhia ka ku ibho iyoguta, ka bha disia bhikemo taa bhui na bhino ta bhivfili taa pui bhia bhisulu bhio bhitikala. <sup>18</sup>Bhusi ta bhumo Yesu ubhi salia aa m'bhongo, ubhia na bhatende bhéese, abhéeya ngo na vfia tita néemi? <sup>19</sup>Bha kpetania, taa Yoani mubatizai, bhamo taa Elia; bhamo taan'tambia tomoi wambg aomua. <sup>20</sup>Ka nuwe, abheya dyukuto, navfia titani téemi neni? petelo akpetania: owekilisito wa Mbali. <sup>21</sup>Yesu abha dyedya taa mbese nue evfia na muse tomoi. <sup>22</sup>A bguku mia kamo eekpie taa mona muse a eni m'puli taa mugí, agwali n'tuane na bhadumanga bha bhakoli, ka bhadumanga bha bha kpalua, woguwe, ka womuwe bhusi bha masaso. <sup>23</sup>Dyiaa ku idje ivfia na bho bhatopa: undjo wondue údja ambusa nami, ane la mbulambani idje mukulao, ajivfeve idje mukulao musalawese, ka indiki. <sup>24</sup>Ngo undjo wondue ibhikisia maisha mese umabholisie, nge undjo ubholisie dyuludyami ubhikisiane. <sup>25</sup>Indje yao ya kókó angamuse iyo ovfutue kisi ku n'tubhu, idjitu ka nidjibholisia mukulao? <sup>26</sup>Ngo un'topa undjo wenie bhuchoni dyululami kana mavfia mami, mona muse weni bhuchoni nana dyukuto, dya widjie asemele nobiboka a semele na tita ka na a bhu kengo bha bha tambia. <sup>27</sup>ya ne sowa nue angili, nuweta lua bhaanu dyano nundjo guanu mbese nuenie bhukota bha Mbali. <sup>28</sup>Itekeka masi munane ambusa nivfia mavfia méese, Yesu ageiya na idje petelo, yowani ka na yakobo, ka akpata ikulu laa n'tala dyulu liko vfema. <sup>29</sup>Dyaa ubhi vfema, kaliya bhosio bhéese inebasia, ka ngombese iyowa ekengua ne taa pupo. <sup>30</sup>Ka bheene, bhuse ta bha vfili suvfisiane nana: ibhia musa ka na elia, <sup>31</sup>Bhaa bhuene kiana asemele nobibo, ivfia ikena lese lio ubhi kena iko akisia mitopa mio mivfiana a Yelusalema. <sup>32</sup>Petelo na bhange nana bhuhbia bhakolua na toló; nge, bhuhhi a bha susumua, bheena obibo la yesu ka na bhushe ta bha vfili vhaa mango bha na bho. <sup>33</sup>eevfumbu iyo bhuse bhuvfakana na Yesu, Petelo ansoa: Bwaná, iyekima tugwali yhano; tu kpelai bakpanya ta bhasaso, tomoi wai, tomoi wa Musa, ka tomoiwa Elia. Sadjibhe se iyo mangovfia. <sup>34</sup>Toku uvfia eto, akuvfe aeneka na mu bhakumbe; ka batendr bhowa na bhuwa na itangana aseme lena akuvfe. <sup>35</sup>Ka ni enikana la akuvfe yhoi lokana, lavfia: ono-monami wisume: umokai! <sup>36</sup>Yhaa yhoi yhokana, Yesu adjibgoka kalesi. Batende bhatikala guwe, ka bhakpetia bho muse, evfumbu-iyó, tomoi sa mesé. <sup>37</sup>Apumao, yhaa bhudulua a n'tala, o yhombo la bhamba apele na Yesu. <sup>38</sup>Ka iena, asemele netulumilo mushe temoi sufvamie: Bwaná, ya ne komola, temia mba ibhona anga monami, yhulu yha monami tomoi. <sup>39</sup>mugu inebhoka, ka yhaa ku idje ivfamaka; ka mugu abutukania na lokulu, ine timbganisia, ka na mekuukukú idjiluta nana, ambusa nine dogisia. <sup>40</sup>Ikonola bhatende bhaa sagi, ka bhatokiabho. <sup>41</sup>Tumba ya N'tima kpmibgi

ka na bhisau, Yesu akpetania, mpaka nia ekenilie bhio nanu, ka nuibhelie? un'disia monae.<sup>42</sup>Toku um'bhamba mugu idjikulia a misia, ka mugu inebgo ka na lokullu. Nge Yesu adjodja mugu, abhikisia mona, ka akpudhusia angi idjidje.<sup>43</sup>Ka bhatopa bheena bhudhene bhua Mbali. Ango nyikaa tomoi moi sa djelia etopa iyo ibhikiana na Yesu, avfia na bhatende bhese:<sup>44</sup>Yhulu lanu, o kai tekima ino: Mona wa mushe wakanir amabho ma bhuse.<sup>45</sup>Nge bhatende bhadjibhe abho livfialio; libhalieta na ke nabho, ambusa bha djibheabho koko ao; ka bhoondua inemia yhulu la koko iyo.<sup>46</sup>Yhaa idjua la bhidjila am'putima, idjibha asemele na bho neni undjou dhene.<sup>47</sup>Yesu ena idjua labho la m'pumatima, ageya mona wa musu, a ma vfisya akpambgese.<sup>48</sup>Ka avfia: Ntopa undjo uudjelie mona uno widjelie emi mukulao; ka n'topa undjo widjelie wa n'djelie un'djowi yumá. Ngo un'djo ubua anganunue bhatopa, ndjo idje un'djo u dhene.<sup>49</sup>Yoani ageya livfia, ka avfia: Bwaná, tamena muse susagie bhagu na linya lae, ka ta sikisia, mungusa andjotuekeese.<sup>50</sup>Nusikianu, Yesu abha kpetania; ngo undjo andjinonduese uwae.<sup>51</sup>Yhaa evfu, bu ya idje iesa a kisi inetutulia, Yesu adunga muango wikená a Yerusalemá.<sup>52</sup>Aena apele nana batambia, bhidjie a paki ka bha lumila asemele na egula teemoi ya bha Samariya, yhulu yha iengika nan egula yilala.<sup>53</sup>Nge bha djelie abho mungusa ubhikena a Yerusalemá.<sup>54</sup>Batende Yakobo ka Yoani, bha ene to, bhavfia: Bwaná, odjelita tu bhisia isala lidulua likulu la nguvfa libhavfambi? <sup>55</sup>Yesu anebasia angabho, ka abha yheyha, avfia: nundjidjibhianu m'pumatima uwo wane bgoka nue.<sup>56</sup>Ngo mona muse widja, mbese ibholisia mipumatima bhuse, nge imibhikisia ka ku ibho ikena egula iyomo.<sup>57</sup>Yhaa bhuvia na paki, mushe ine sowa: Bwaná, enekie egula etopa iyo okenie.<sup>58</sup>Yesu akpetania: Ndikó djina matuka mabho, ka manoli má ikulu la nguvfu ma na mabhoo: Nge mona mushe andjese na egula ya iamisia n'tuwe.<sup>59</sup>Aasua womo: indika-emi, ka nine kpetania: Bwaná, kiambani pikilie ekomoni molio wa Tita.<sup>60</sup>Nge Yesu asua: tikila mekila melio mikoni melio; ka owe, kenú kokólia bhukota bhua Mbali.<sup>61</sup>Undjomo avfia: Enekiekie, Bwaná, nge kiambani-emi ekenimba ekwa mina bhaa bhaanga mi na yavfulu.<sup>62</sup>Yesu akpeta nia: n'topa undjo wa vfisie obho a saleti, ka ibhona ambusa, undai thuu a bhukota bha Mbali.

## 10

<sup>1</sup>Ambusa na djha, Bwaná imula ku kaamo batende makomi saba, ka idja ibhatuma bhushe tabhavfli bhavfli apele nana andei ya dhene bhitoi ka na bhigula bhitopi mio idje kuukalesi utota mo ikena. <sup>2</sup>Idje ibhasakua nata bhole idhene, bhushe bhi kamba mokambo bha ta buwa, unvfemai n'kula bhole ibhatuma bhushe bha makambo abhole bhuese.<sup>3</sup>Kenai; enai, ya tumatoku bha mokoko asemele na bha poma. <sup>4</sup>Mbese ivfevfa ema, mbese etihedhe, mbese elato, ka mbese inensalimiya mushe a paki.<sup>5</sup>Abha yavfulu iyo nulumilie, vfiái mbani, kia guwe iguali a yavfulu iyo! <sup>6</sup>Ka animona tomoi indjaguwe udjha, bhuguwe bhuanu bhuguali angese, ani indese djhito, ikpudhu anganu. <sup>7</sup>Gwalai a yavfulu iyo, dhiai ka nyuai bhima bhima bhio bhanoou nuwe, mungusa mushe ya mokambo una bhukome bhuienlipa, mbese nuwe ike a yavfulu na yavfulu.<sup>8</sup>Abha ndei bha dhene mio na lumili, ka ani egula iyo bha ne dhiai bhima bhio bhabhu. <sup>9</sup>bikisiai bhushe bha ndutu bha nu bhenni; djha, ka vfia na bho nata bhukota bhua Mbali ya kiana anganu.<sup>10</sup>A bha ndei ya dhene miyo nululie, ka egula iyo bhasiki ibha bhiga kenai a bhapakiabho ka ivfia nata. <sup>11</sup>To vfula bhuhhi bha misia bhua ndei yanu ya dhene miyo ibha a makulu masu; djibhai nata a evfumbu ino bhukota bhua Mbali ya bhamba leli. <sup>12</sup>Yane vfilia nua a bhushi bhuo Sodome inenkamania ta bhua nge nana iyo ndei ya dhene iyo.<sup>13</sup>Buli angai, chorazi buli angai, betsaida! mungusa abhugi ya bhishisho mio ikiana mo angai ikiana mo djhokuto a Tyro ka na Sidona, abhungbhe ubhia mo nitukulia na Mbali, ni dunga etshedhe ka na mokabha. <sup>14</sup>Mungusa aao, bhushi bwa ukumu, Tyro na Sidona ba bhakii ni bakamanyia ta buwa nge nowe. <sup>15</sup>Ka noowe; Kapernaumu, in'djo bhun'kpatisia mo ikulu la nguvfa, bhanedulusi paka ku abhudjako.<sup>16</sup>Un'djo ubhooki indoka, un'djo ubhasiki isika, ka un'djo wi siki ansika n'djo witumá.<sup>17</sup>Bhushe makomi sabha ibhoikpudha ni sea, ni vfia: Bwaná, bhagu djhokuto ikpokpuma apelenasu mungusssa linya lai. <sup>18</sup>Yesu ibhavfilia: yimena shetani ikua ikulu la nguvfa toku amelimeli. <sup>19</sup>Ena, ya bhoowa lokulu li luvfa ikulu la nyili ka na bha n'kutu ka na ikulu litopi la ka indese na ema iyo ibhakii bushi. <sup>20</sup>Mungusaoo mbese nuwe isea tokubhagu bhukpokpumano apele nanu seayi mene nata manya manu ikpaluana ikulu la nguvfa.<sup>21</sup>E vfumbu iyo, Yesu ikua ni sea na Upuma tima wa kengo ka idje ivfia : molombo uangai, tita, Bwaná wi ikulu languvfa ka na kisi na ma walia mo anga bha n'tumba ka naya djelia, tita, ya nowa molombo mungusa wonda igwalidjito.<sup>22</sup>Bhima bhitopi bhindua mono anga tita, ka indese na mushe n'djo udjibhi neni n'djo u mona, ani sibhia Tita neni n'djo u Tita, ani sibhie mona, ka na mushe n'djo mona wonda inendjibhisia.<sup>23</sup>Idjenebasia anga batende, idje ibhavfilia: sei madjo meni mio nueni! <sup>24</sup>Yanesakua nuwe bha kanga bhogi ka nabhakota bhonda mo iena miyo nuwe nuenie, nge bhene abho, ka nioka minguso nuwe nooka, nge bhookea bho.<sup>25</sup>Yoanea mona bhuutumba tomoi atema idje inen'sakua mungusa inentetania: mweli ekiritani mungusa idungu ibika la masiku matopi? <sup>26</sup>Yesu abhakpetia ka abhasakua asemele na sheria ya kpalua na titani? wasona titani? <sup>27</sup>Idje ikpetia ka idje ivfia: umunda Bwaná Mbali wai ampumaaatopi na lokulu lai lutopi, nidjua lai lutopi; ka inemunda toku owe kukalesi. <sup>28</sup>Idje nen'sakua; wakpetia ekima, kia djhokuto ka owe obhikie.<sup>29</sup>Ka idjetota idji wanyisia toku Mushe wangili, idje inen'sakua Yesu: mange nami uneni? <sup>30</sup>Ka Yesu ikpetia, ka ivfia: Mushe tomoi udulua iyesa a Yerusalemu kikená a Yeriko; idje ikokua abholigogo bha mabho bha bhaola bhushe, ibho inen'bia ngombe djese, ibho inen'bhudja, ibho ikena yabho, ibho inen'tika tchedhe ni yugwa.<sup>31</sup>Ivfundua mwalimo tomoi idjidulua a iyo paki, idjenemena Mushe n'ndjo idje ikpangba ka iyeta. <sup>32</sup>Ku kaamo djhokuto Mulawi ukiana a egula iyo, idje inem'bona, nge idje ieta na ikpangbo ka idje kena.<sup>33</sup>Nge musamaria tomoi ukena mono alokendo, idje ikiana egulaiyo Mushe ndjo ubha mono; idje ikiana inem'menila bhukuku.<sup>34</sup>Idje bhamba apele nana, idje isangaka mikuko meese, antilia mada na bhuthi, ka idje inemkpatisia ikulu djha tumbu ese, ka inen'kenisia a yavfulu ya bha keni, ka idje inensibhaka. <sup>35</sup>Kapuma n'ndjomu idje ivfundua ka ivfindia dinari tipili Mukua yavfulu, ka idje ivfia: n'sibhaka tekima; nabhili nge bhio bhitopi ovfundusi amungusa ese, enevfindi na evfumbu iyo yiganaki.<sup>36</sup>Wakpia neni wa

bhaa ta bhasaso ubhia mange nana un'ndjo ukua abholigogo bha mabho ma bhaola bhushu? <sup>37</sup>Idje ivfia un'ndjo ummenila mono bhuku, ka Yesu inesakua; kena yai, kaki djhokuto. <sup>38</sup>Toku Yesu ubhamo apaki na tende bhese; idji tangana andei ya bua temoi, mwali tomoi linya lese libhia mo Malata, idje inem'bhiga ayvfulu ese. <sup>39</sup>Ubhia mo na n'sali ese linya lese Malia idja idjumana apele na makulu ma Yesu, idje iyoka minguso mese. <sup>40</sup>Nge Malata idjigbegha na mekambo migi, idje angese ka ivfia: Bwaná, miyo mandine kiai tema tomoi toku n'sali yami witikilia ikamba mekambo emikulesi, un'sakua mbani na ta ivfulia. <sup>41</sup>Bwaná Yesu inemkpeki sia: Malata, Malata, indje ogbegbi ka ni bhunyia m'puma n'tima ikulu la minguso migi; <sup>42</sup>Nge ema tomoi ya bhukome; Malia aminula epitchi iyo yekima, iyo indiesi bhiese ange.

## 11

<sup>1</sup>Yesu ufvema bhusi ta bhumoi aegula temoi. Dyaa umalisia, tomoi wa bantende bheese asua: bwaná, utu fvanisia ivfema, toku Yoani ubhafvanisia Bantende bheese. <sup>2</sup>Asua: dyaa nufvemie, fviai: Tita! ngo lnya lai libibaná; nge bhukota bhui bhuidji. <sup>3</sup>Otowa bhima bhiasu bhidhia bhia masi ku matopa; <sup>4</sup>Su tubhandila bhuhhi bhua, toku djuwe tundi bha bhandili mono n'topa undjo utuseki mono; ka sutulumusia a ichuchana. <sup>5</sup>Abha soa kamo: ani tomoi wanu ona mbenyi, ka akeni akatikati wa bhotio akosua: mbenyi, indua emi, fvute lá mekati tamisaso, <sup>6</sup>Yuludya tomoi a bhambenyi indidjila, ka indjami na yinemuwa, <sup>7</sup>Kadyaa, asemele na yavfulu yese, mbenyi akpetia: mbese initetania, ekuse yegilana leli, bhana bhama ka neemi towa andalo, indetemi tami yhulu dya inowa mekati, <sup>8</sup>Yane sua, imbeiese toku sa temese yhu libhowá mungusa ombenyi wese, atema yhulu dya itetania ka umuwe etopa iyo unaokulu. <sup>9</sup>Ka emi, yane sua : vfema, ka bha nouwe; vfungala, ka wodhuwe; tuta, ka wogulanie. <sup>10</sup>Ngo n'topa undjo uvfenie wodhue, undjo uvfungalie wo dhuwe, ka wegulanie undjo ututuwe. <sup>11</sup>Neni a kati anu toku tita undjo umui monese libhoi, ani avfema mokati? ao, sa vfema n' titi, ka amua nyili egula ya n'titi? <sup>12</sup>Ao, sa vfema un'vfuma, amua n'kutu? <sup>13</sup>Ani kotio, bhakali toku nueto, na djibha iyowa bhana bhanu bhima bhia bhikima, amingo inbani nisua lidjasu wikulu languvfa wouwe m'pumatima wakengo anga bhaa bha vfenie. <sup>14</sup>Yesu asaga mugu undjo ubhia moluma. djaa mugu uvfundua, moluma avfia, ka etulumilo idjelia. <sup>15</sup>Nge bhano ivfia: iin'kota wa bhagu, mona wa n'kota wa bhagu, undjou sagi bhagu. <sup>16</sup>Ka bhamo, dyulu likakilia, bha vfema evfaniko téemoi idji mbani aekulu la nguvfa. <sup>17</sup>Toku Yesu udjibha idjua labhola mitima, abha sowa: bhukota bhutopa bhuo bhu vfakanie bhua vfangala, ka yavfulu ya bhungua ikululimo. <sup>18</sup>Ani kotio mugu avfakana idje mukulao, igwali titani bhukota bhuese bhukanela, mungusa na vfia taa esagi bhagu djulula n'kotawa bhagu? <sup>19</sup>Ka ani mi, esagi bhagu nikulula n'kota bhagu, bhana bhanu, ibho bha sagi kotio na neni? na dyito bhagwa liku bhanene bhatumba bhanu. <sup>20</sup>Nge, anina muandala wa mbali uwo esagi nao bhagu, bhukota bhua mbali bhueka kotio anganu. <sup>21</sup>Toku muse wagilita ka na livfoka umbgeli ya vfulu ese, iyomangonao embgwelie. <sup>22</sup>Nge undjo mitigili ta amika ka inebgoka, umagie misie mitopa mia bhukali, kaku idje ivfakania bhaa bhudungiana. <sup>23</sup>Undjo andjese na mi oobhibhi angami, ka undjo andjinami egula téemoi abhola. <sup>24</sup>Dyaa um'pamatima wa mugu uvfundue anga muse tomoi, ukeni a bhigula bhia bhione, nivfungala uyama. senese, avfia: yiganakie a yavfulu ami iyo ivfu ndu, <sup>25</sup>Ka, ukianie, ubgokie yoluluane ka elolane. <sup>26</sup>Dyaa ukema, ka ikogeiya bhamo bhagu sabha bhaa bhuhbia bhakali inemita kuna idje; bhalumila a ya vfulu, bha kuma, katumba ya tutu ya undjo muse yeeta toku ubha pikilie. <sup>27</sup>Ya gwala toku Yesu uvfia eto, mwalitomoi, avfama asemele netu lumilo, a sowa: séea bhutuu bhuo bhanevfevfa! séea na mabhali maa uma bhumia! <sup>28</sup>Ka akpetania: seae kotio nue bhaa nokie livfiala mbali, kanilimbwela. <sup>29</sup>Toku bhushe bhuhbia bhakulumanile, á andja ivfia: ngeyi ino i ngeyi temoi ebhibhi; ivfemie ekako; indje owanie ekako yomo ku iyo ya Yona. <sup>30</sup>Ngo, i namuna temoi iyo Yona ubhia evfaniko anga bhushe bha Ninawe, i namuna temoi mona wa mushe ugwalie temoi á geyi ino. <sup>31</sup>Nkota wa mwali wa dyuvfa liteme ú temie, á bhusi bha ukumu, na bhushe bha ngeyi ino ka ubha ukumuwe, mungusa uidja á tútútú dja kisi dyulu la ikooka bhu tumba bhwa Slomono; ka enai i dyano na undjo ú mitie Salomono. <sup>32</sup>Bhushe bha Ninawe bha temie, bhusi bha ukumu na ngeyi iyo ka i ukumuanie, mungusa bha dji bhasie á igulusia la Yona; ka enai, i dyano na undjo ú mitie Yona. <sup>33</sup>Mushe tomoi andje tshuanisiese lobela taa á avfisia á egula ya ekobhane áo aitshi la ekemo, nge bha lu avfisie á ikulu la yakuku, ambusa taa bhaa bha lumie bha eni mpena. <sup>34</sup>Lidjolai lobela la mobhi wai. Dyaa lidjolai lilikima, mobhi wai n'topa ú mungale; nge dyaa lidjolai lindjese likima, mobhi wai ú á livfue. <sup>35</sup>Ngbela kotiyo taa mpena uwo ú angai sigwali angai livfue. <sup>36</sup>Ani kotiyo mobhi wai n'topa i engale na igwala na mbese séemu ta egula etopa, toku ugwalie mu ngale na mpena wa lobela. <sup>37</sup>Dyaa Yesu ubhi vfia, mu Falisayo tomoi un'komula taa á kodhie angese. ú tangana ka na idjumana á mesa. <sup>38</sup>Mufalisayo aéna na isangala toku sa okiese mabho apele na idhia. <sup>39</sup>Nge Bhwaná ansowa: nuwe, bha Falisayo, nu okie ku anu saani ka lungu ku á bhovfo, ka á semele nu bhaidjale na iyaga bhushe ka na bhuhhi. <sup>40</sup>Ú edudu! undjo ú kiie á bovfo á kii dyokuto á semel? <sup>41</sup>Owai mene sadhaka djio bhi gwalie angai tú. <sup>42</sup>Nge bhukuku anganu, bha Falisayo mungusa nu vfindie Kodi dja bhilinge, dja paki, ka dja bhi bhisi bhitopa, ka nu eniye bhule bhu endjini ka bhu ondusia bha Mbali: i iyo ya bha yanue ikia, na mbese isinuwa, bhima bhimo. <sup>43</sup>Bhukuku anganu, bha Falisayo! mungusa nu onduwe idjumana á bha agima bha pele á semele na bha Snagogi, ka na inesalimia nuwe á bhigula bha bhienikiane. <sup>44</sup>Bhukuku anganu! mungusa nu toku madjako maa mandje enikaniese, ka ikulu laao bhushe bha etie mbese idjibha. <sup>45</sup>Tomoi wa bhaa bhadjibhi selia sana ú geiya livfia, ka ansowa: mweli, na ivfia eto, i djuwe bhaa utu se kakie. <sup>46</sup>Ka Yesu abha kpetania bhukuku anganu dyokuto, bhaa nudjibhie selia! mungusa nu vfevfisie bhushe bha kumbo bha dhidhidhi, ka bhio bhundje bukulu anu ta bhuwa na mwandakala tomoi wai. <sup>47</sup>Bhukuku anganu! mungusa nu kpelie madjako na bhakanga, bha bha idje bhanu bhu bha ola. <sup>48</sup>Nu kpudhusie kotiyo bhusamboli bha mekambo mya bha idje bhanu, ka na mi djelia; mungusa ibho, bhu ola bha kanga, ka nuwe, nu kpelie madjako mabho. <sup>49</sup>Ina mungusa wa eyo bhu tumba bhwa Mbali avfia: ibha tumilie bhakanga ka na bhatende; bhaoluwe bhaamo ka bha enisie bhamo mipuli, <sup>50</sup>Ambusa taa bha iiye ngeyi

ino ya manyika ma bha kanga maa ma idiya tangia kisi ú kambana,<sup>51</sup>Tangia manyika na Abeli mpaka ku á manyika na Zakalia, ú olana a katikati wa n'tuwa na etanda; ya djelia, ya nesowa nuwe, ngei ino igwalie dyokuto i iyane.<sup>52</sup>Bhukuku anganu, nuwe bhaa nu djibhie selia! mungusa nu esisia fungula dja otinga; nu lumile anu nuwe bhakulu bha áo, ka nu sikisia i lumila bhaa bhu onda.<sup>53</sup>Wakati uwo ú esa dyaa, bha kpalua ka na bha Falisayo bha andja ine vfumakia, ka i andja ine v'fisya bhima ta bhigi,<sup>54</sup>Bhan'levfula milungo, mungusa, bha mpati na mavfia maa mivfunduwe á anyusa wese.

## 12

<sup>1</sup>A wakati úwo, bha éléfu bhabhushé bhu kúlú manila, kalibho na iletilána ibhó ngungu, Yesu atatika isowa bhatende bhèse: pikilie, nudji ngbéli na tivfo dja bha Falisayo, iyo i ya ébhéla.<sup>2</sup>Indjése na ya ékobhané iyo indje éné kaniése, na ya sili iyo indje vfynduwe ése á madjo má bhushé.<sup>3</sup>I dyulu lá éyo, étopa iyo nu vfié á livfuwe igwalié mú énékané, ká ká iyo nuvfié á otiyi semele na bha sugwée igwalié ékokolié á mitondo.<sup>4</sup>Yanésowa núwe, nuwe bhàa nu bha mbéni nhámi: mbése nuwe ibha onduwa bhàa bha oluwe mobhi ká, bhàa, ambusa na dyàa, bhandje tokiabho ikià ya iété.<sup>5</sup>Iné vfanisié núwe úndjo nupasié i né monduwa: ú monduwai undjo ú, ambusa na i ola, ú nalokulu lá ituwa á gehena; undjo, inésowa nuwe, nú pasié iné monduwa.<sup>6</sup>Manoli ta éfu bhandje kulusioniabhó na bhilinge ta bhivfli? ká Mbali andje sunúwe ése ta omoi wabhó.<sup>7</sup>Ká imbi ngbili dja n'túwe wai dji djiropa dji bhandané. Mbése núwe ionduwa: nunayénu iyeta manoli magi.<sup>8</sup>Yanesowa núwe: undjo úvfié dyulu lámi pele na bhushé, mona wa mushé un'vfiliye dyokuto pele na bhatambià bh Mbali; <sup>9</sup>ngé undjo ú ilambúluwe á pele na bhushé ugwalié n'lambulané pel na bhatende bha Mbali.<sup>11</sup>Dyaà bhané kénisié á pele na bha Sinagogi, anga bhatumba ká na bha dumanga, mbése núwe iwaza namuna yaniya nudji bhuwe á màa bha ne iyi núwe; <sup>12</sup>mungusa Mpumatima wa kengo uné gulusié núwe á wakati úwokuúwo miyo nupasié ivfià.<sup>13</sup>Mushé tomoi ansowa Yesu, á pele na dyombo: Mwali, únsowa monima tu vfakana bhotiko bhású.<sup>14</sup>Yesu an'kpetania: hoo mushé, neni undjo ú indavfisya n'tumba wánú, ao inévfakania nuwe? <sup>15</sup>Ka abhasowa: udji bhonái ékima na iyonda bhilinge, mungusa ibhika lá mushé indjése dyulu la bhima bhése, imbiése ta bhigwali bhigi.<sup>16</sup>Ká abhasowa mbendo éno: mabhulu má n'gumiya mi bhúta bhigi.<sup>17</sup>Ká awazá idje mukulu aao, na ivfia: ékié titani? mungusa indjami na égulá yá i avfisià mavuno mámi.<sup>18</sup>Enà, úvfià, iyo i kiié: ébhukuluwe bhi k'pangulu bhámi, na ikpèla bhá dhéné, i avfisie á semele mavuno mani ká na bhima bhama bhítópá; <sup>19</sup>ká evfié na mpumatima wami: mpumatima wami, únabhima bhigi bhi avfisià bha bhidjo ta bhigi; áamá, dhià, nyúwa, ká sééá.<sup>20</sup>Nge Mbali ansowa: édudu! bhotiyo bhaao bhokubhuno mpumatima wai ú geiya niye; ká iyo wa tayalisià, igwa lié ya neni? <sup>21</sup>I namuna ku émoi undjo ú bhosié bhima dyulu lése mukuluáao, ká andjese n'gumià anga Mbali.<sup>22</sup>Yesu avfià ka amo na bhatende bhése: mungusa wá úwo yanésowa núwe: mbése iwaza á ibhika lai taa údhiye indje, á mobhi wayi ta ésalie indje.<sup>23</sup>Ibhika li étiye bhima bhá idhià, k mobhi ú étiye ngombé.<sup>24</sup>Wazai mbani bha kungulu; bhandje onakiabho ao bhandje kolakiéabho, bhandje abhó na yavfulu ya ingbela bhima ao ékpangulu; ká Mbali úbhá dhiisiye. Mingo imbani nuwe nundje étié ànú manoli na yènú! <sup>25</sup>Neni wánú, na mawazo mèse, upasié igbukumià á bhútá bhése obho tomoi á maisa mèse? <sup>26</sup>Ani undjo toki ái bhima bhá buwa, mungusa wa éndje uwazié mimo? <sup>28</sup>Ani Mbali á salisia ébisi iyo i bhusi bhuno á mabhulu ká kapuma ikulianiya á libhembé lá isala, i mingo imbani iyo unésalisie nuwe, bhushé bha idjelià ta bhuwá? <sup>29</sup>Ká núwe, mbése ivfungala iyo nu dhiyé ká iyo nu nyuwe, mbése núwe igwala na mawazo.<sup>30</sup>Mungusa bhima bhíyo bhítópá, i bha pagano bha kisi bhàa bhabhi v'fungalié. Idje wánú udjibhié taa nu nàò kulu.<sup>31</sup>Vfungalai pikilié bhukota bhá Mbali; ká nu owanié bhima bhíyo bhítópá á ikulu.<sup>32</sup>Sondua tabua, ekimbu ya bua; ngo idjanu wena ekima inowa nuwe bhukota.<sup>33</sup>Kulusayi bhíyo nunaò, ka bhíyayi mokondjo wa bhukuku. Nuwe kiyayi bhichedhe bhio bhindebhitaka liyese, lito liyo lindjibiese iikulu la nguvfa, dya mushe wa lobhiya andjebhambiese taa ka bhaghululu bhandje bhítakia bho.<sup>34</sup>Ngo dya lito layi liiyo, mpumantima wayi ugwaliese dyikaa.<sup>35</sup>Sangilayi miniki miyo nunisibhaka, ka nu chwanisia djobela djanu.<sup>36</sup>Ka nuwe, v'flanayi na bhushé bhaa bhasibhakie taa bwáná wabho iganaka iganaka nivfia, taa umugulayi dya ukeniye kaa nikokula.<sup>37</sup>Seyayi bhakobhe bhaa Bwáná wabho ukianiye niko bhagboka ibha bhakindiliye! Yanesua nuwe angali, usangiliye uniki, ubhadjumanisiye a mesa na ibhabhamba mungusa abhakambila.<sup>38</sup>Ani ako bhagboka ékindilo ya mavfili naa masaso, seyayi bhakobhe ani akonebgoka nuwe nukunekinda!<sup>39</sup>Djibhayi tekima, ani mukulu wa yavfulu subhidji bha taa mushe wa lobhiya widjiye, amba ukinda amba satikese bhabhunu yavfulu yese.<sup>40</sup>Nuwe dyokuto, gwalai dyokuto avfamba, ikulu la mona mushe widjie na évfumbu iyo nundiengikianu.<sup>41</sup>Petelo ansua Bwáná, iyese kundjue bhaa watusua ao na bhamo bhatopa bhaa watusua livfia lino? <sup>42</sup>Ka Bwáná avfia: neni ndjo ungelimene mene waotinga kani telemela ikulu la bhushé bhamo, mungusa ibhowa bhima bhidhia a évfumbu iyo bho ka na? <sup>43</sup>Seya nkobhe undjo, dya Bwáná wese, akiana, ukungbokie sukiiye dyito! <sup>44</sup>Yanesua nuwe angili, o ma v'fisie ikulu la bhima bhese bhítopi.<sup>45</sup>Ngé nkobhe avfia idje mukulu: Bwáná wami alivfia nikiana, ibha bhítala bhakobhe bhalume na bhali, nidhia, inyuwa, ka nikolua.<sup>46</sup>Bwáná wa nkobhe undjo widjiye bhusi bhuo sengikiese ka n'évfumbu iyo sadjibiese, ka nine muwa kebhu wese na bhaa bhandabho nidjelia.<sup>47</sup>Mushe wa mokambo, undjo odjibie liondisia la Bwáná wese, savfisiése tema ka sakiese tuku bhondusia, ubhítalanie ta égi.<sup>48</sup>Ngo undjo neni, ande djibiese, a kia bhima bhikima bhiondisia, ubhítalanie ta bhua. Undjo uvfemiye égi bhamue égi, ka bhasu lutisie tégi anga undjo bhantikilisia égi.<sup>49</sup>Yidja iko tuwa isala ukulu la Misia, ka éna yikia, kani isala la chuana? <sup>50</sup>Igwalié nidjina liyo yondue idjinana, ka imbani bhio énao ambu sa kia ya kisiana!<sup>51</sup>Emitaa, nukpii taa yidja iko avfisia bhuguwe akisi? Mbese, ya nesua nuwe yidja ngó mene ikobhavfa kania.<sup>52</sup>Ngó itatika bhushuhuno tifu asemele na yavfulu temoi bhagwalie bhacfanie, taa bhasaso bhasikianie na ta bhavfli, bhasikianie na bhasaso.<sup>54</sup>Idji v'fia kamo na: dyombo la bhushé: évfumbu iyo nueniye bhodudu ivfundua ikulu na nguvfa dya dyuvfa likolalie nuwe ivfia taa ketetino mbula yo owa, ka iikia na dyokuto.<sup>55</sup>Ka évfumbu iyo nueniye movfuvfu ivfumba naa medhi, nuwe ivfia: igwaliye na bhundja ta bhugi. Ka ikiana

n'igwala dyokuto. <sup>56</sup>Nuna bhusuelé! Nadjibha ilengisia ta téé minguso ma misia kana minguso ma ikulu na nguvfa, ngó mungusa indje nundjibhoniye ta téé évfumbu ino tunao éno?<sup>57</sup>Ka mungusa indje nundji bhonianu ta téé nuwe bha bhakulu bhao unguso uno w'endji ni? <sup>58</sup>Evfumbu iyo nukeni na akodhu naye undjo nunana na unguso apele na bhutumba bha bhadjongu, okanayi na nana napaki nutikilana na nana, mungusa iyonduwa anakune livfisiye apele na bhatumba, ka na bhatumba bhane konebhie apele na ndumanga wabho ndumanga wabho wabhatumba, kaa kundumanga wabho ono aneka nekingé asemele na munyololo. <sup>59</sup>Yanesua, taa undjevfunduaye owa sombi ivfinda élinge yaye ya bhua ya tútútú.

## 13

<sup>1</sup>Efvumbuú iyo dyiaa, bhushe bhaa bhu bhi iya bhakonsua Yesu mbino djio dji kyiana anga bha Galilaya djio Pilato ulukania manyieka na maa bhu ma mokondjo. <sup>2</sup>Idji ibhaya manyula: Nadjeli n'ata bhaa bha Galilaya bha bhiibhi iyeta bhamo bhatopa bha Galilaya? mingusa bhu bhee nishia m'puli wa namuna uo? <sup>3</sup>Mbese yanesua nue. ngo ani nune basie ka ni itikila bhu bhii bwanu neeni m'puli tuku ibho dyukuto. <sup>4</sup>Ao dyiaa bhushe ta bhuu na lokingo ndala la masaso bhaa yavfulu ibha kulia ovyiowa a silaumu bhushe bha bhiibhi iyeta bhatopa bhaa bhu bhia bhagua le a Yelusalemu? <sup>5</sup>Mbese, yanesua nue, nge aninue nitikile minguso ma mi bhiibhi, nue nu fooli dyukuto. <sup>6</sup>Idji ibhasua dyikuto sokaka siyo: mushe tomoi ubhiya na eti yese ya muzabhibho iyo woona a bholi gogo bha bhoole bheese. Iidja iko unga kala puma ikulu leetiyo, ngo sapateisé ta lopume ta lumoi. <sup>7</sup>Nge ansua musheese wa mokambo undjo ubhii ngbela bhoole bhuo: Ena edjio ya masoso iyo afvioya iko ungala puma iikulu leeti'mo ka sébhokeami teema. Etini etiiyo: mungusa inoyi isigilie misia ketiti. <sup>8</sup>Mushea mokambo undjo ibhiingbela bhole amanyula dyiokuto: Bwaná, tikila mba kamo edjoo tomoi echia kie ami bhongo mao, ka utulii misia mungusa ibhutula. <sup>9</sup>Saiyomo eedjo ya mbusa ibhutu puma, ka ani subhuteese, ka owe itina. <sup>10</sup>Yesu agulusia asemele na Synagogi, bhusii bwa sabhato. <sup>11</sup>Bhona dya: ibha dya na mwali tomoi ubha na ndutu dja ma fvufva djio dji nkata kisiya mobhi efvumbu ya bhidjo tabhu na lokingo ndala a ma saso ibhiyasa kuku tálá sa bhiloka tiese idji na nua. <sup>12</sup>Dya unena, Yesu a fvía na na lifvia ka idjiine nsua: mwali wa bhika na ibhunga lai. <sup>13</sup>Ka idjiine mafvisia mabo. nee fvumbu yo kuiyo niidji ina nua; ka manga alombishia Mbali na bhusumba buse. <sup>14</sup>Ngo n'dumanga wa synagogi; usuma. Ikulu lá Yesu ibhikisia mushe bhusi bwa sabhato idji ifvia na dyombo: ina masi lokingo nala ma mokambo maa noondu iko dji bhikisia nue iyeka éko djilisia ka mbita ma sa bhusi bwa sabhato. <sup>15</sup>Bhiswele idji ine manyula Bwaná, anganu nue neni undjo andji sanga kulumono ngombe na falasi djeese iko bha nyushia malifva bhusi bwa sabhato? <sup>16</sup>Ka mwali undjo ubhiano na nseke ka undjo mugu unsangaka taangbe bhidjo tabhu na lokingo ndala la masaso. <sup>17</sup>Dya evfumbu iyo manga avfia dyito, ku bhaa kodhu bèse bhatona ichoo maana nia ka na ka mavfia maa ka dyiombo lioli topa la seiya na bhima bhitopa bhi loomba na bhio ubhikia. <sup>18</sup>Idji vfia kaamo: bhu kota bha Mbali bha vfilana na indje, ka eta kanisa na indjo? <sup>19</sup>Bhu bhu vfilana na lopuma la haldali lio mushe ugeiya ikooona a bhole bheese; na ili tuwa ni onda, li iowa eti ta dheene, ka manoli ma nguvfa bhiiidja iko kpela mabho ikulu la mitavfe mao. <sup>20</sup>Avfia kaamo: idjee meeyo eka kanisie na bhukota bha Mbali? <sup>21</sup>Bhu bhu vfilana na magbondoku maa mwali tomoi ka ni ilukania pisie ti tyaso dja bhunga bhaa nkiekie; mungusa ibhingisia libhonga la nkiekie. <sup>22</sup>Yesu uluvfa andei dya dhu dheene ka na dja buwa bweva ni igulusia, ka ikenila a pakuya lопасika la Yerusalemu. <sup>23</sup>Mushe tomoi idji ine nsua: bwáná igwali bhiese ku bhushe la buwa bhaa bha bhikie bhiiyo? idji ibha manyula: <sup>24</sup>Kiyai lokolu ta luugi mungasa nuliimila a ékuse ya wa. Ngo ya nensua nue, ta bhagi bhoo ngolie ilumila, ka bhandji tokiabho. <sup>25</sup>Evfumbu iyo mu kwa yavfulu utemie ka niisiga ukuse, ka nue, nu temie a bhovfo, nu tatikie ni kokula ekuse, niivfia: Bwáná, Bwáná; utu ogula! une manyulu nue: idji ne djibhiami niidjania. <sup>26</sup>Ambusa nu vfavfie: tu dyamo ka nié nyuwa apele nai, ku ugulusia asemele na paki djaasu djo bhee dheme. <sup>27</sup>Ka a bha manyula nii bha sua: ya ne sua, indji dji miami ani niidja nia, esea apele naami, nue bha topa suue bha kia bhu bhiibhi. <sup>28</sup>Dya igwalie ila la ka nikusa manyo, neevfumbu iyo nu bheenie Abalayama, Isiaaka, ka na Yakobo ka bha kanga bha topa beese, ka nu kulia ni a bavfo. <sup>29</sup>Ambusa niya bhushe bheekie a djo pasika tii nyai dja kisi; dya nyuvfa uvfunda kue, ka niiko kakala, apepe na bhosia ka ambusa na uu kongo. <sup>30</sup>Ka bhonai igwali bha tu tutu bha gwali bha pele ka bha gwali bha tututu. <sup>31</sup>Evfumbu yo kuiyo bhamo bha Falisayo ene midjila ikonensua: keena, eseano, mungusa Herodi ondu ino olá. <sup>32</sup>Idji ibha manyula: kenai ka konsuai: ambusa ondjo: ena ya luba ka nii bhi kishia ka na ka puma, ka bhusi bha masaso emalie. <sup>33</sup>Nge bhusi bhuno, kapuma na bhusi ékeka mungusa indje bho ngiese nkanga mbala aogu abhovfo la Yerusalemu. <sup>34</sup>Yerusalemu Yerusalemu ondjo obhoolu mo bha kanga ni ibho vfula mambuo bhaa bhane tindikiya n abhaa, mingevumbani mio yonda ikulu manisia bhana bhae, tuku mwadya eeki ukumanisikie bhana bhese ichi dya mapupa mese ka soondai! <sup>35</sup>Bhoona yavfuluai etikalie, nge ya nensua; undji nd'enitiyai, ku dya kaa nuko vfiyo: tochibho tu gwali anga indjo widja na linya la Bwáná.

## 14

<sup>1</sup>Yesu ulumila, bhusi tabhumoi bhá sabhato, asemeleé na yavfulu ya mdumanga tómoi was bhá Farisayo, ikulu likondya bhá Farisayo bhalengisia. <sup>2</sup>Ka bhona, mushe temoi wa ndutu ja bhadumu ubhia items apele nana. <sup>3</sup>Yesu ageya livfia, ka abhiya bhabhá jibhi bhutumba tekima ka na bhá Farisayo: iyo mdusia nuao umbese, ine bhikisia bhusi bhá sabhato? <sup>4</sup>kuiibo ikatana ta gue. dya ku Yena inanua obho ikulu la mushe ndjo, nine bhikisia, ka one inimiganisia. <sup>5</sup>Ambusha kw'ijebheya: meni akateanu ndjo monese ao amemésé ukuwa asemele netuko, akandi ikone bhia mangbalangba, isuwa la bhusi bhá sabato? <sup>6</sup>ka bhatokia bho ine manyula. <sup>7</sup>Iji bhasua ambushua sokaka ta simoi sa bhushe bhaa bhuhhisiana ampinda bhadjumana abhigula bha bhi kima apele, ka yibhasua: <sup>8</sup>evfumbu iyo bha ne bhisie nuwe na mushe tomoi

ampinda, mbese idjumana n' egula y'apele, n'iondua ta Ani bha bhisia lelhi womo mushe undjo bha mushe inetowe, <sup>9</sup>ka undjo and bhisia nuwe bhatopa ane kw'inje ikonesuwa umuwa undjo egula y'apele. dhya wenie bhuchoni bhitema nikena ikodjumana egula ya bhusa. <sup>10</sup>Ngô, evfumbuiyo bhane bhisie, Kena kodjumana egula ya thúthúthú, mungusa dhya ,unjo ane bhisia widjie, iko ne sua: mbenyami, giana dyikulu nuwa.dhya amba ya nowa ikolia apele na bhanganai bhatopa anabha a mese. <sup>11</sup>Ngô injo udjivfevfi bha ndulusie, ka undjo ujidulusie bhantubhulué. <sup>12</sup>ije nesua dyukuto unjo abhisia: evfumbu eyo wohuwe bhima bhini dya bhianyuvfa na bhidjakolo mbese ibhusia bha mbenyi bhai, bha wano Bhai,bhatonano na bhaabhanai bhabhá mbane bhagunisia, n'iondua ta dhya bha kone bhisibhiyo bhane ko niganisie bhiyo dyukuto. <sup>13</sup>Ngô, Ani wa bhiga mpinda bhisia bhá bhanekandi, bhikudha na mulu na bhamabhunga, na bhá bhutiti. <sup>14</sup>Ka oguali n'iseya mungusa bhandiganisé bhiabho dyukuto; ngé iniganili bhiyo who mwala bushes bhakima. <sup>15</sup>Mushe tómoi unyoubhi dyeya, ambusa niyoka mavfia maa, ije nesuwa Yesu: iseya anganjo udyiye bhima bhese bhidya abhukota bwa Mbali ! <sup>16</sup>ka Yesu amanyula; Mushe tómoi wohuwe bhima bhidya ta bhiyo bhidjakolo, ka abhisia bhushe ta bhagi. <sup>17</sup>A evfumbu yidya bhima bhidya bhidjakolo, yenetindikila unkobhese iko bhaduma bhabhu bhisiana: ukai bhidya bhitopa bhibhiya vfiſie. <sup>18</sup>Ngô bhatopa namuna temoi bhavfema bhukhúkhú. wapikilhie asuwa: na kula bhole ta bhumi, ka yonduwe ikobwena; ya nevfema bhukhúkhú, na nekomula. <sup>19</sup>Unjomo avfia angese: ikula ngombe ta bhui, ka ekenie ikobhachucha; yanefvema bhukhúkhú, ya nekomola. <sup>20</sup>Unjomo avfia angese: ka ija ikosonga mwali ketetino ikulu la dyitondi keniami. <sup>21</sup>Ukobhe, iganaka, ikonesua beans bwese bhima bhitopa bhio wakowa dyaku beans mukulu yavfulu isuma ivfia na nkobhese! kena mangbalangba asemeleé na bhigula ka asemeleé bhá paki jandei ja kidjongu, ka ubhadisia iyano Mushe bhékandi bhuse bhikudha na malu,bhushe bhá bhutiti, ka na bhamabhunga. <sup>22</sup>Unkobhe ivfia: Bwana, who wavfivfania yakiana, ka egula yomo ikuwe. <sup>23</sup>Ka Bwana ivfia na Ukobhe: kena asemele na paki ka na paki ja buabua ka nibhasigila paki bhiji bhalumila, mungusa ya vfuluami oguali tijale. <sup>24</sup>Ngô, yanesuwa,tómoi wa bhushe bhaa ya bhabhisia bhandi chuchuabho bhima bhame bhindya bhidjakolo. <sup>25</sup>Abhugi was dyombo bhubhi luvfa paki temoi na Yesu. ije nebasia, ka ije ibhasua: <sup>26</sup>Ani Mushe ija anganu, ka andise munebhelheye ijije, inyese, mualiese, bhana bhese, bhá wanya bhese ka bhasabhe bhese, ka imbese bhugualo bhese kubhanene, andigualise utendeami. <sup>27</sup>Ka utopa unjo andi vfevfiese musalaba wese, ka nambese inendikaka, andigualise utendeami. <sup>28</sup>Ngô ani wanganu unjo ondu ikpela yavfulu ky'ajuma pikilie aboni iyo unao Ani imalie mokambo, <sup>29</sup>niyondua ta ambusa niya vfiſie bhékpra, ka iko Kandi imolisia mokambo, ka bhaabhatopa bhakwenie bhá ne kosikie tola, <sup>30</sup>ka nivfia: Mushe no atatika ikpela yavfulu, ka sa malese ?<sup>31</sup>ao nkota wa nia njo, Ani ototi kena ikosiana na nkota Unjomo, ka akandi ijumana mbani mungusa abhoni aniotokie, na bhalume bhabhita bhaa onobho bhelefuta bhui,ikena ukokumanila bhita na unjo weji iko neshania na bhalume bhabhita bhelefu makumi ta mavfli ? <sup>32</sup>k'anianditokiese, dyokaa unyomo ukota ukudhomu, Kia ije atindikila Mushe wivfema makanga mungusa aguali guwe. <sup>33</sup>dyukuto,Mushe njo Andese mutikile mungusi mangbe na bhubhik bhitopa anje gualiese m'thendeami. <sup>34</sup>Unili iye mekima, ngô Aniya bholisia bhundengendenge bhese, n'inje emeyo iganisie bhundengendenge ? <sup>35</sup>indeed na bhusumba mako amisia, mungusa Indi bhutu siese, ka onjo ona matoi miyoka Kia aoki.

## 15

<sup>1</sup>Bhapibhilika bhatopa ka na bhushe maisha mabhibhi bhubhamba Yesu iko moka. <sup>2</sup>Ka Bhafalisayo ka bhakpaluwa bhangu ngumaka, ni ivfia: Mushe uno abhinga bhushe bha maisha mabhibhi, ka adiyi na bho. <sup>3</sup>Nge abhasuwa mbendo ino: <sup>4</sup>Neni mushe wanu, ani ona mekoko miya temoi ka abhoi shia tomoi, atikila bhamo makomo tisa na tisa asemele na upina wi iseke dyulu likovfngala udjo abhala, dyika akome ni iyo? <sup>5</sup>Dya manga amena iyo, avfevfa amavfeka mese ni iseya. <sup>6</sup>Ka, nikpudja ayavfulu, abhishia bhambenyi ka bhadjelani bhese, ka abha suwa: seyai-nami, ngo yena mokókó wami uwa wabhola. <sup>7</sup>Dyukuto, yanesuwa nuwe, egwali niseya taa dhene ikulu la nguvfa dyulu mushe tomoi wa zambi onebashuye, koliko na bha bhakiya makomo tisa dje edjini mbese kulu ya inebashia. <sup>8</sup>Ao mwali neni, ani ona misanga taa bhúú, ka tomoi obholi, ka asiki ichwanisia lobela ni yoluluwa sugweye, ka nivfungala na uvfevfene, ku idje sena? <sup>9</sup>Dya manga ena iyo, abhishia bhambenyi bhese ka na bha djelane bhese, ka avfia: seyai nani, ngo yena usanga wami uwo wabhola kolo. <sup>10</sup>Dyukuto, yanesuwa nuwe, eseie dyukutu bhatambia bha Mbali dyulu la mushe wazambi tomoi inebashia. <sup>11</sup>Avfia kamo: mushe tomoi abha na bhanongo ta bhavfli. <sup>12</sup>Idja musu asuwa idjidje: tita ami, induwa isulu iyangami ya bhima iyo yinduwe faida. ka idjidje avfakana nana bhima. <sup>13</sup>Kisha masi tabhuwa, mona udja unongo idjamusu, ageya bhima bhitopa, akena a etuko ya dhomu, dya uko mala bhima bhitopa na bhali bhamajanyi. <sup>14</sup>Dya bhitopa bhimibila iyo, aliga weegwa alumila a etoko eyo, ka adja iyowa nakulu ya bhima. <sup>15</sup>Ake na iko kambila bushe bha etuko iyo, ka bhatuma a mabhulu iko mbgela kuluvfe. <sup>16</sup>Onda iyoguta na bhivfavfa bhia masongu bhiyo kuluvfe djibhi dhiya; nge mushe winemiwa sabhese. <sup>17</sup>Dya mango ukpudha kubha nene, anevfilia: bhushe bhamokambo imbani bhaa bha Tita bhokunedhiya ka nikochuwa, ka emi, dyano soguwe naegwa! <sup>18</sup>Etemiye, ekeniye anga Tita, ka esouwe: Tita ami, ya bhitaka a ikulu la nguvfa ka na angai, <sup>19</sup>Indi bhongi taami taa ibhishina taa mona ai; ikambishia toku bhushe bhai bhamokambo. <sup>20</sup>Ka atema, ka akena amugwa búkúkú, idjidje akena mavfi an'kpanganyia ka na inebhiga. <sup>21</sup>Mona asuwa: Tita, yakiya bhubhi ikulu la nguvfa ka na angai, idhi bhangi taami ebhishiana taa monai. <sup>22</sup>Nge idjidje ivfia anga bhushe bhese bhamokambo: dishiai ketetino kadjo ya basi, ka usalishiai, osaliai lopete a mwandakala, ka na tobhokúbhokú a makúlú. <sup>23</sup>Dishiai mona wa gembe udjo usoguwe, ka umula. tudhia ka tuseai; <sup>24</sup>Ngo monami udjo numeni uno abha idje sogwa, ka abhika, abha sabhola, ka mange oneka na. Ka bhataka iseya. <sup>25</sup>Dya mona idja mwanga suku amabhulu. dya widja ka niyowa chekedhee na yavfulu, oka bhabhiba ka djumbo. <sup>26</sup>Abhishia mushe tomoi wa mokambo, ka amiya iyo yeta. <sup>27</sup>Mushe wa mokambo udjo inesuwa: wano aiganaka, ka tuku ai ganaka na mobhi taa ukima, ato amulia mona wa

ngombe wa usoguwe.<sup>28</sup>Ouwa na bhusungu, ka soõnde se itangana evfaya. idjidje avfunduwa, ka akomola atangana.<sup>29</sup>Nge akpetanya: idjidje : ena, ina bhidjo tabhingi bhiyo yanekambila, mbese ituka shelia djai, ka udji musai muni nduwe ta bhuwa mona wa ngombe ta eseya mbhani na bhambhenyi bhami.<sup>30</sup>Ka dya monai akiana, udjo adhiya bhima bhiai na bhushe kititi, dyulu lese wamuli ya mona wa ngombe wa usoguwe!<sup>31</sup>Monami, idjidje asuwa, owe vfedjo omasi kumatopa idyana, ka bhitopa bhiyo enao bhivfele bhiai;<sup>32</sup>Nge yabha ekima obhini ka ni iseya, dyulu dja wano udjo omeni úno abha sogwa ka oowa toku manga omuwa, dyulu dya manga sabhola ka mange a enikiana.

## 16

<sup>1</sup>Yesu avfia djukuto na bhatende bhese mushe tomoyi ungumia ubhia na mushe wese wa makombo nge sa djebhese itukulia makombo. <sup>2</sup>Manga bhisia; ka nivfia: indje livfia lio yoka isua loye? phia mboni tweni ibhonda loye undje wezekaniese nowe itelemila bhima bhama kukomo. <sup>3</sup>Ingbeliandjo idje ivfia idje mukulu : Ekie tetoni mungusa bwaná wa mokombo indoga ma kambwese? ikamba amisia? indje tokioyi ivfema kaka yoki bhuchoni. <sup>4</sup>Edjebheye tuku ekiye mungusa egwoli na bhushe bhaa bhidjeliye angabho na bhavfulu evfumbuyo bhilugusiye amokombo ami. <sup>5</sup>Ka manga bhisia mushe tomoyi bha bhuhbia na vfute ya bwana wa mokombo; idje ine sua indje pikiliye imbani ovfendeye anga Bwaná bhomi bha mokombo? <sup>6</sup>Mobhombe miya temoy ma moda ma mabhenga idje ine ma nyula ka idje inesua geiya evfavfooyi, djumona mangbalomgba ka kpalua mabhombe makomi tifu. <sup>7</sup>Idje inesua ambusa indjomo: ka owe imboni unao vfute? pisi ja dhene dhene miya temoy dja ngano, idje ine manyula ka idjine sua giya evwavfoaye ka kpalua mokomi lokinga ndala la masoso. <sup>8</sup>Bwana wa mokambo aa biba na bhuhbi bhuwo mongakea bha bhukima nigwala na mavfa na muneyo mongaokia mungusa iibhikisia ibhutala la bhana bhaa ka na ivfelana na bhana bhamwangua. <sup>9</sup>Ka oni ya nesua muwe kyayi bhumbeye ne bhagumusia bha bhandjaabho na bhu tumba; mungusa dhene dungu nuwe asemele na tabhanaele ya masi ku matipa; mungusa dyabhidjiyo bhone kone konde nuwe. <sup>10</sup>Indja oni kakiliya bhima bhabua bua akakili dyukuto bhima bha dhene ka indjo adjese enjene a bhima bha buabua anye gwaliye enjini a bhima bha dhenedhene. <sup>11</sup>Ani subhaayi ni kakilia asemele na bhugumia bha gilongili? <sup>12</sup>Ka anisubhayini kakilia asemele na bhima bha mushe nenindjo okonowu bhayi? <sup>13</sup>Indese na mushe wa mokambo indjo akamblil bha Bwaná ta bhavfili; mungusa obhili temoyi kana ine munda tomoyi; ao odungeani na temoyi ka nine mena undjomo ketiti. indje ikombelean Mbali ka ni kombela bhugumia. <sup>14</sup>Bhafalisayo, bha bhuhbionda bhilinge, dya bhooka mingusomiyo mitopa; kaku ibho ine mosakia. <sup>15</sup>Yesu ibhasua nuwe nufungoli iji vfanisia apele na bhushe; ngo Mbali ajibhi mipumantima mianu; mungusa emeyo yoonduanu na bhushe bhakisi e emeyo Mbali obheleye a pele na moja mese. <sup>16</sup>Bhutumba kana bha kanga bhuhbiabho mililo miabho kwonga Yohani; ku ngbe kungbe bhukota bha Mbali bhukaniyo dya bhima bhimo ja ji kima; kaku mushe imtopa ikealukulu lilumia. <sup>17</sup>Ita kpalakpala ikulu na guvfa ka na kisi ietaji nge ingje gwaliye bhutumba bha Mbali buetu sumbi oku temoyi ikeana. <sup>18</sup>Mushe untopa undjo asiki mwaliese ka na isongo womo wa vfavfi akea bhuvfani, ka na mushe untopi indjo osongiye mwalindjo mulumeese asika akea dyukuto mavfani. <sup>19</sup>Ibhia na mushe temoyi ungumia, undjo ubhia ilemanila isala ngombe ja jikima jikima kata jita jita; ka kilasiko ubhia nisia tekima masi kumatopa a bhugwalo bhese, <sup>20</sup>mushe temoyi indjo mobhoka ubhivfemakaka ulomba linya la Lazao ubhia ulale a lidjolese la vfala mobhi mitopa na mikuku; <sup>21</sup>ka woonda iko uguta na bhigholia bhio bhibhi kakalaka iche dya mesa l'ongumia; ka imbiee bhambua bhuhhiijija ikonemomba ka omikuko muese. <sup>22</sup>Ku mobhoka ingwa ku bhana bha m'pumatima wa Mbali ine vfevfa ikone mavfia abhongo na Abalayama ungumia lugua dyukuto; ka ibho ikone muna. <sup>23</sup>Asemele na bhujako a tubhula madjomese ilengisia ikulu ubhia sueni umpuli ka umena abalayama ta dhomu na Lazaro abhongoese. <sup>24</sup>Idjivfa ma: teta Abalayama indenila bhukuku ka utindi kila Lazaro, alendelia chiese ya mwandakolese asemele na malivfa a kwidhusia elomikambo ela miyomi ya kataka ikulula, mungusa ejena umpuli asemele na libhembe lino l'esala. <sup>25</sup>Abalayama ine manyula: munami jua mba nata ndunga bhima ta bhigi avfumbu ya bhugwalio bhaye; ka Lazaro ubhia na bhima bha bhibhi, imbieseto ketitino ye owa ikima ka owe wa tikala iena mpuli. <sup>26</sup>Ani wa bhane kimalichia tadhene li lavfisiye a bhologogo bhasu nanu ikulu la nyito bhaa bhesi nya anganu owa idya anganuowa bhanye takiabho ikalia. <sup>27</sup>Ungumia ivfia: ya nevfema, teta Abalayama, utindikilia Lazaro asemele na yavfulu ya teta ami mungusa ena bhawanyani tifu. <sup>28</sup>Iko bha chucha na bhima bhiyo mungusa bhone kuije nyukuto asemele neguleno ya mpuli. <sup>29</sup>Abalayama ine manyula: bha Musa bhabho nyokowa ka na bha kongga bha bho nyokowa; uka bhabhoki ibho. <sup>30</sup>Ka ije ivfia: umbuse, teta Abalayama; nge ani mushe wa bhagu akena ongabho iko bha sua bha tikiliye bhuhbi. <sup>31</sup>Ka Abalayama inesua kani bhabho keabho bha Musa na bhakonga bha Mbali bhandiko mokiabho mushenjo o muwa iye sa anga bhagu.

## 17

<sup>1</sup>Yesu avfia na bhatende bhese: iweze kanie taa nutulaliye na makiya; nge bhukuku anga undjo ututalie! <sup>2</sup>E ekpie nana bha mavfisila á enyi libhoi la isakisia ka bhan'kulia á obhingi la dhene, mungusa aneko tutalisie tomoyi wa bhaa bhasu. <sup>3</sup>Nudji ngbelai nuwe bhakuku. ani wamo akia djambi, un'dyedy; ani á tubhuwa, un'sameya. <sup>4</sup>Ka ani anekia bhuhbi mingo sabha á bhusi tomoyi ka á eka mingo sabha ine vfema na sa maa, na ivfia: ya tu bhuwa; un'samea. <sup>5</sup>Bhtende bhu vfia na Bhwaná: útu kpukumia idjelia lasu. <sup>6</sup>Ka Bhwaná avfia: ani nubhia na idjelia toku puma ya Haladali, ambusa na vfia na eti iyo: ogulana, ka kodji oni owe mukulu aao obhingi la dhene ka amba ane esimia. <sup>7</sup>Neni wanu, undjo ú na n'kambia wabhohi ka na wa idhiidhia tumbu, un'sauwe dyaa ú idjie iesa á mabhulu: uka mangba langba, ka ko djumana á mesa? <sup>8</sup>Undje n'sowai bha idjakoko, sata ngombe yai ya mokambo, induwa bha idhia, mpaka dyikaa edhie ka enyuwe; ambusa na dyaa, owe ódhie ka onyuwe kotiyoy? <sup>9</sup>Onsukulue n'kambia undjo mungusa une kilia iyo un'lúusia? <sup>10</sup>Nuwe dyokuto,

dyaa nukia iyo bhune lúusia nuwe, vfia: tu bha kambia bha mbese yenu, tu kia iyo tu bha pasa ikia.<sup>11</sup>Yesu, n ikena lese á Yelusalema, ú eta katikati ya Samalia na Galalia.<sup>12</sup>Toku ubhi tangana á ndei temoi, bhushe ta bhúu bha bhukoma bham'bhamba. bhateme ta dhomu, bhu tu bhula dyoi, ka bhuvfia: <sup>13</sup>Yesu, Bhwáná, utu ogwila bhukuku!<sup>14</sup>Dyaa ú bha ena, á bha sowa: kenai ko dji vfanisiai anga bhakoli. ka, dyaa bhubhi kena, bhu djiena taa bha bhika. <sup>15</sup>Tomoi wabho, na idji ena taa abhika, á bhuna manya, na ine beba Mbali na dyoi ta likali. <sup>16</sup>Ú kuwa na bhosio á makulu ma Yesu ka á miganisila djokowa. mushe undjo ubhia musamalia.<sup>17</sup>Yesu na idunga livfia, avfia: bhaa ta bhúu bha bhiabho bha bhike bhatopa? Ka bhamo bhaa tisa, bha nia? <sup>18</sup>Sibhie ese ku udnjo ubhia n'keni undjo ú kpudha ka ikone muwa Mbali lokowa? <sup>19</sup>Ka ansowa: tema, kena; idjelia lai lane bhikisia.<sup>20</sup>Bha Falisayo bha miya Yesu wakati wania bhukota bhwa Mbali bhu djie, Abha kpetania: bhukota bhwa Mbali bhundje idjiese na idji vfanisia. <sup>21</sup>Bhandje vfiabho: bhu dyano, áo: ú dyoowa. Ngo enai, bhukota bhwa Mbali bhu anganu.<sup>22</sup>Ka abhasowa bhatende: igwali na masi maa nupati kulu ya iena bhushi ta bhumoi bha mona wa mushe, ka nundje la eni taanu. <sup>23</sup>Bhane saúe, nuwe: li dyano, li dyoowa. Nu kenai owa, mbese nuwe ibha ekeka. <sup>24</sup>ngo, namuna temoi ka bhalibhali wa mbula lú ngalie ka lú tshuanie na iyandja mpaka á tútútú wa ikulu wa nguvfa, igwalie dyokuto a bhuse bha mona mushe. <sup>25</sup>Nge, ekpie pikilie taa áeni mpuli ta mugi, ka agwali mu sikiane na ngbei ino. <sup>26</sup>Iyo ikiana á evfumbu ya Noa ikianie namuna temoi á masi ma mona wa mushe. <sup>27</sup>Bhushe bhubhi dhiyam inyuwa, isongiane, ka na isongisia bhana bhabho, mpaka ku á bhushi bhuwo Noa ú lumila á kuku wa dhene; mbula ya dhene ya óuwa, ka yabha ólúusia bhatopa. <sup>28</sup>Iyo ikiana á evfumbu ya Loti ikiani dyokuto. Bhushe bhubhidhie, bhuhinyuwa, bhubhi kula, bhubhi kulusia, bhubhi ona, bhubhi kpela; <sup>29</sup>Nge bhushi bhuwo Loti úvfundua á Sodhomo, isala ta ligi ka na bhilami bha isala djikuwa i ésa á ikulu la nguvfa ka la bha ola bhatopa. <sup>30</sup>I gwalie namuna ku emoi bhushi bhuwo mona wa mushe ú djanie. <sup>31</sup>A bhushi bhuo, kia undjo ú gbokanie á govfala, ka ú enie bhivfaniko bha áo á yavfulu, sa dúlu ese ibhi geia, ka kia undjo ú gwalie á nabhulu sa kpudhu tese á mbusa. <sup>32</sup>Udji djuliai a madya Loti. <sup>33</sup>Undjo uvfungalie ibhika lese ú libholisie, ka undjo ú libholisie, ú lipatie. <sup>34</sup>Yanesowa nuwe, á bhutio bhuwo, na bhushe ta bhavfli bhaa bha gwalie á ndalo ku emoi, tomoi ú geiyanie ka womo utikalie; <sup>35</sup>Na bhali ta bhavfli bhaa bhasakisie egula ku emoi, tomoi ú geiyanie ka womo útikalie. <sup>36</sup>Na bhushe ta bhavfli bhaa bha gwali á bhole, tomoi ú geiyanie ka womo ú tikalie. <sup>37</sup>Bhatende bhun'sowa: egula ya niya, Bhwáná? ka á kpetania: dyaa mobhi ú gwalie, dyaa ndiyo dji kumanilie. <sup>37</sup>\_\_\_\_\_

## 18

<sup>1</sup>Yesu ábhavfliya na mbindo, dhyúlú ivfanishia taa, tuvferáyi masakumatopa ka mbese itikila. <sup>2</sup>Avfia: ibhiya andeyi ya dhene témoi unsamboli tomoyi sa monduwese Mbali ka bushée. <sup>3</sup>Ibhiya dyokuto, andeyi ya dhene na mokusanyia undjo widjá ikonsowa: <sup>4</sup>Ee evfumbu tétà usika. Nge,ambusa avfia idje mukuluwao: imbiese toku indje ne monduwami Mbali ka indje ne monduwami mushe, Tokuito, iyekanaka toku mwali uno mokusanyia itetanyia, enesitakiye, ambhusa anikiliye initulushia n'tuwe. <sup>5</sup>Bwáná agabukumüya: <sup>6</sup>Ka Mbali andje ku mbiese butumbá anga bhaa ubhaminula mono, bha bha vfámi mono bhotiyo na bhushi, ka abhatikila bhiiyese djo kuto? <sup>7</sup>Yane sowa nuwe, ubha kiliye mangbala ngba bhutumba. Ngee, djyaa mona wa mushe wi djie, ogboki bhiiyo lokowa a kisi? <sup>8</sup>Avfia kaamo mbendo iyo, mungusa bhushe ibhamó bha djelia taa, bhima bhese bhiihiya endjini, ka sikiyese éma teemoi anga bhámó: <sup>9</sup>Bhushe tabhavfli bhtanga na a yabhiya mufarizayo, ka undjomo ubhia mu pubhicain. <sup>10</sup>Mufarisayo, atema, avfema dyokuto idje mukulaa: Ee Mbali yee, yaneiganishia lokowa tóku indjami tókubhushe bhámó, bhaa bhandja bho endjini, bhushe bha mavfani, ao tóku uno mu publicain; <sup>11</sup>A pósó temoi eti kakiliye idhia mingotami vfili dyulu daji vféma, -ibhiakiye teemoyi ya bhui ya mekambo mami mitopa. <sup>12</sup>Mu publika atema ta dhómú náná, satokésé taa ibhona a ikúlú la ngúvfa; Ngee adunga engremba, a vfia: Ee Mbaliee, indugwa bhukúkú, emi mushe wa zambi. <sup>13</sup>Yane sowa núwè, mu pubhika undjo ukpudha angésé na ya vfúlú sa kénguláná, ine mita undjomo undjo (Mafarizayo). Ngo undjo gfengue Mbali undulushie, ka undjo unedulushie, Mbali untubhulie. <sup>14</sup>Bha midjilá dyokwito na bhana bha bhasu taa ábhá basagaa ku nabhaa burdja na bhana bhaa. <sup>15</sup>Ka Yesu abha bhishia, ka avfia: ubha tikilai bheedji angami, ka mbese núwe ibha shikishia; Ngo bhukotá bha Mbali ibwabho. <sup>16</sup>Ya nesowa nuwe angili, mushe n'topa undjo andje djeliese bhukota bha Mbali toku móna músú andjelumilese. <sup>17</sup>N'kota tomoi amiya Yesu, ka avfia: Bwáná nkima, eku titani mungusa yo dhui maisha ma milele? <sup>18</sup>Yesu akpetania, namna yaniya wibhishia taa ye-ekima? undjo uwese n'kima ku Mbali mukulaa. <sup>19</sup>Udjibie makókó: undje kiyai mavfani taa buwa; undje olúwai mushe, undje teiyai; undje vfiai ébhéla, umeshima ató ka ánó. <sup>20</sup>Ikoliamoto makókó maa tangia bhudhadhu bwami. <sup>21</sup>Yesu oká dyito, answa: yanekanda kaamo kwema tomoi: kulushia kulushia bhitopa bhio unao, ubha vfakania bha bholuá, ka opatiye lito layi a bhukota bha Mbali. Dya kotiyo, indika. <sup>22</sup>Dya woka mavfia maa, idje iyowa nabhukákú; mungusa ubhia ngumiya. <sup>23</sup>Yesu éná taa mango wa na bhukúkú, avfia: ikpingbi anga bhaa bha na bhima taa bha tangana na bhukota bha Mbali. <sup>24</sup>Ngo, iwezikanie tumbu toku ngamia atangana eelago ya sindano taa mushe w bhima alumila bhu kota bha Mbali. <sup>25</sup>Bhaa bhumoká ivfia: ka néni undjo aku dyito taa abhiki? <sup>26</sup>Yesu a kpetanya: Iyo mushe ndei andje tokiese Mbali utokiye. <sup>27</sup>Petelo kotiyo avfia: éná, ta tikilá bhitopa, ka taneéka. <sup>28</sup>Ka Yesu abha sawa: Yanesawa nuwe angili, indjese na mushe ata omoli undjo, utikila ya vfulu yese, mwali weye, ao bha wanyinya bhese ao bhana bhese nisuwa la bhukota bha Mbali, <sup>29</sup>Mushe undjo kúye bhiiyo bhitopa, upatiyee bhigu evfumbu ino ka iyo ikwidjie, maisha ma masi kumatopa. <sup>30</sup>Yesu anunula bha tende ta bhuu na bhamo ta bha vfili, ka abha sawa: enai, tukenayi a Yelusalema, ka étopa eyo ikpaluana na bha kanga isuwa la móna mushe ya kishianie. <sup>31</sup>Ngo, wakaniye anga bha djudhe, wooshiani biyo, usekishiani bhiiyo, utuliani bhuyo makandu, <sup>32</sup>Ka, ambusa minebhitila na ma mbhaka, bha muluwe; ka ambusa ya bhushi bwa másáso. Woo muwe. <sup>33</sup>Ngee, naiyo étopa, bhatende bha djibiabo mbendo teemoi; ibhia angabho livfia ta likobhane, mavfia maa bha djibhabho koko. <sup>34</sup>Toku Yesu owa chekedhe ya Yeriko, mushe wa madjo masigakale, ubhiya undjuimane

aa mbhongo wa paki, ka suvfemakakiye. <sup>36</sup>Wooká aningi wabhushe ieta, eiya, indjemeyo iyetiye. <sup>37</sup>Bha nsowa: Yesu wa Nazareti undjo wetiye. <sup>38</sup>Ka, avfama; Yesu, mona David, bili indu gwa bhukúkú! <sup>39</sup>Bhaa bhuhba kena pele bha dyongila taa akatana; nge, avfámai kotiyo tikpéé: móna David, bili nami indugwa bhukuku. <sup>40</sup>Yesu atéma a sowa bhatende bha bhishia a meni; ka dya ubamba, <sup>41</sup>Yesu a miya: wonda inekumdje? akpetaniya, Bwana yonduwe iyéni. <sup>42</sup>Ka Yesu ansawa; éna; ikolya lai lanebhikishia. <sup>43</sup>Dyui kaa, kwidji éna, ka amika Yesu, nine bhuhba Mbali, bhushe bhatopa bhena dyito, bha bhuhba Mbali.

## 19

<sup>1</sup>Yesu, na itangana á Yeliko, ú kaliya ndei ya dhene. <sup>2</sup>Ka enai, mushe tomoi n'gumiya, nubhisiane Zakayo, n'kota wa bha Pibilika, uvfungala á meni undjo ubha Yesu; <sup>3</sup>Nge sabha tokaese, dyulu la dyombo. Mungusa ubhia ta dyele. <sup>4</sup>Ukena mavfi apele, ka ikpata á eti mungusa á meni, mungusa ibha taa ú etiye dyaa. <sup>5</sup>Dyaa Yesu ukiana á egula iyo, á tubhula madjo ka ansowa: Zakayo, duluwa mangbalangba: mungusa i ekpie taa egwali bhusibhuno á yavfulu yai. <sup>6</sup>Zakayo á duluwa mangbalangba, ka an'bhiga na iseya. <sup>7</sup>Na ieba iyo, bhatopa bha ngungumaka na ivfia: ukena iko gwala anga mushe wa djambi. <sup>8</sup>Nge Zakayo, na itema apele na Bhwáná, un'sowa: ena, Bhwáná, youwe anga bhabhoka esulu ya bhugumia bhami, ka ani ikiya ema ya ebhibhi anga mushe, emiganisie mingo ta minai. <sup>9</sup>Yesu ansowa: ibhika la tangana bhuno bhushi á yavfulu ino, mungusa uno ú dyokuto mona wa Abhalayama. <sup>10</sup>Mungusa mona wa mushe ú idja ikovfungala ka na ibhikisia bhaa bhuhba bha bhole. <sup>11</sup>Bhubha oka mavfia maa, ka Yesu á gbukumiya mbendo temoi, mungusa ubha tshekedhe na Yelusalema, ka bhu kpalia taa dyokaa bhukota bha Mbali bhu djanilie. <sup>12</sup>Uvfia kotiyo: mushe tomoi wa muesimiane ukena á ekita ya dhomu dyulu la ikosala bhukota, ka ikpudha. <sup>13</sup>Ubhisia ta bhúú bhaa bha bhakambiya bhese, abha owa bhilinge ta bhúú, ka bhasowa: kiai nao bhu tshulusi mpaka dyaa iko idji bhi iyo. <sup>14</sup>Nge bhushe bhese bhun'bhiliya ka bhutuma tomoi wabho angese inesowa: tundje onduwe asu taa mushe uno á ta bhala á ikulu lasu. <sup>15</sup>Dyaa ú kpudha, ambusa na isala bhukota, á bhisiya angese bha kambia bhaa ubha owa bhilinge, ambusa taa adjibhi namuna ya niya kila mushe ú tshuluza. <sup>16</sup>Wapikilie ú idja ka uvfia: Bhwáná, elinge yai ya owa faidha ya bhilinge ta bhúú. <sup>17</sup>Un'sowa: i ikima, n'kambia wa n'kima: mungusa ubha mukame á bhima ta bhuwa, wa ouwa Guvfelenele wa ndei ta bhúú dja dhene. <sup>18</sup>Wana vfili ú idja ka uvfia: Bhwáná, elinge ya owa faidha ya bhilinge ta efu. <sup>19</sup>Ansowa: owe dyokuto, gwala Guvfelenele dja ndei ta efu dja dhene. <sup>20</sup>Womo wi idja, ka uvfia: Bhwáná, ena elinge yai, iyo i ngbela á edili ya ngombe; <sup>21</sup>Ngo ebha na bhuwa bhái, mungusa owe ú mushe undjo ú n'kali: ogei yakie iyo su tike ai, ka okolakoliye iyo su one ai. <sup>22</sup>Ansowa: yane okumuwa á mavfia mai, n'kambia wa m'bhuhbi: udjibha taa emi mushe wa n'kale, undjo úgeiyakie iyo satike ese, ka okolakoliye iyo sa one ese; <sup>23</sup>Mungusa wa endje kotiyo su avfisieayi elinge yami á yavfulu ya i avfisiaka bhilinge, ambusa taa á ikpudha lami ibhi geya na faidha? <sup>24</sup>Kaa avfia na bhaa bhuhba dyaa: umagai elinge iyo, ka ú muwai undjo ú na bhiline ta bhúú. <sup>25</sup>Bhunsowa: Bhwáná, ú na bhiline ta bhúú. <sup>26</sup>Yanesowa nuwe; bha muuwe undjo ú nao, nge anga undjo andjese nao bha magiye imbi iyo ú nao. <sup>27</sup>Nge, disia i dyano bha akodhu bhami, bhaa bhaonde abho ta etabhala á ikulu labho, ka ubha olai apele nami. <sup>28</sup>Ambusa na ivfia dyito, Yesu á luvfa apele na dyombo, na ikena á Yelusalema. <sup>29</sup>Dyaa bhu bhamba Bhetefedya ka Bheteniya, ikenila á n'tala mubhisiane n'tala wa Zaituni, Yesu utuma bhatende bhese tabha vfili. <sup>30</sup>Na ivfia: kenai á iyo i apele, dyaa mu lumilie, nu gbokie mona wa falasa n'sangile, anga undjo mushe ta omoi angese mune kpatile: un'sangula ka ú disiai. <sup>31</sup>Ani mushe á neiya nuwe: mungusa wa endje nan'sangula? nu n'kpetaniye taa: Bhwáná ú na kului wa ese. <sup>32</sup>Bhaa bhuhba bhatumane bhukena, ka bhu gboka bhima toku Yesu ubhasowa. <sup>33</sup>Toku bhuhbia bhan'sangulu mona wa falasa bhakulu bhaao bhabhasowa: mungusa wa endje nu sanguluwe mona wa falasa? <sup>34</sup>Bh'kpetania: Bhwáná ú nakulu wese. <sup>35</sup>Ka bhan'disila Yesu mona wa falasa undjo bhu kulia ngombe djabho, ka Yesu an'kpatila. <sup>36</sup>Dyaa bhuhbi kena, bhushe bhu aliliyangombe djabho á paki. <sup>37</sup>Ka dyaa bhuhbiya tshekedhe na Yelusalema, á iduluwa la n'tala wa mizaituni, dyombo la bhatende, bhuhbi ya na isééa, bham'biba Mbali na dyoi ta ikpe dyulu la bhikako bhiyo bhu ena. <sup>38</sup>Agwali mu bhalikie n'kota undjo ú idjie na linya la Bhwáná! bhuguwe á ikulu la nguvfa, ka obibo á bhigula bha ikulu! <sup>39</sup>Bha Falisayo bhaamo, a semele na dyombo, bhun'sawa Yesu: Bhwáná, si kisi ya bhatende bhái. <sup>40</sup>Ka akpetania: yanesowa nuwe ani mbi bhakatana mabhoyi ma dyunuwe! <sup>41</sup>Toku ú bhamba á ndei ya dhene, Yesu, na ena, ulila dyulu labho, ka avfia: <sup>42</sup>Ani owe dyokuto, ibhiya á bhushi bhuwo ú owana, ugwali mu djibhe bhima bhiyo bhi bhia á bhu guwe bhái! Nge ketetino bhi ouwa bhi kobhane á madjo mai. <sup>43</sup>Igwalie á masi maa i idji angai, dyaa bha akodhu bhái bhane kulungilie toku bhokako, bhane lingiliye, ka bhane sigilie paki djitopa: <sup>44</sup>Bhane kosiye itshi ka na bhana bhayi á semele na yi, ka bhandje tiki abho angai libhoi á ikulu la libhoi, mungusa su djibheai evfumbu iyo ubhia nu nyunyane. <sup>45</sup>Alangana á yavfulu ya Mbali, ka á andja i saga bhaa bhuhbi kulusakia iyo, <sup>46</sup>Na ibha sowa: ibhia ekpaluane: yavfulu yami, igwalie yavfulu ya ivfema Mbali. Nge nuwe, na ibhasia egula ya bha aga. <sup>47</sup>Ubhi gulusia masi ku matopa á yavfulu ya Mbali. Ka bhadumanga bha bhakoli, bha kpaluwa, ka bhadumanga bha bhushe bhuvfungala ta bha mulusia; <sup>48</sup>Nge, bha djibhe abho namuna ya niya ikiya, mungusa bhushe bhatopa bhuhbi moka na kulu.

## 20

<sup>1</sup>Ibhia bhushi tabhu moyi, toku Yesu ubha gulusia bhuse asemele ya yavfulu ya Mbali ka ni kokolia livfia la likima, bhadu manga bha bhakoli ka na bha kpalua, na bha gagulu bha eka angese, <sup>2</sup>Ka bhan'sowa: utusoowa na luusa la neni luo okiye bhima bhio, ka neni undjo anowa lokulu luo? <sup>3</sup>Abha manyula: énei ya niya nuwe dyokuto. <sup>4</sup>Isowai, idjinisia la Yoani ludja mono úkulu la nguvfa, ao anga bhushe? <sup>5</sup>Nge bha dyuwa ibho ngungu: ani ta kpetania: ikulu la nguvfa, uvfie: mungusendje nun'djelie mwanu? <sup>6</sup>Ka ani tan'kpetania: ta bhushe, bhatopa bha tukulie mambuo, ngo idji bhikiana taa

yohane ubha nkanga.<sup>7</sup>Kaa bhan'kpetania taa bhandje djibhiabho dyaa wi idja mono.<sup>8</sup>Ka Yesu a bha sowa: emi mbese, indjenesoowami nuwe ta nalokulu la neni luo ikie bhima bhino.<sup>9</sup>Agwala kaamo ni bha sowa bhushe mbendo eyo: mushe tomoi u'ona eti, a bha tikila bha kambia, ka a kena iko djumana etuko iyomo masi ta magi.<sup>10</sup>A évfumbu yikolisia, an'tuma mushe wese wamo kambo anga bha kambia, nata bha buwa kebhu wa bho bhi kolana. Bha kambia bham'bhitila, ka bha ngbudusia mbese ta ema.<sup>11</sup>An'tuma kaamo womo mushe wa mokambo; bha m'bhitila dyokuto, bhan'sekisia, ka bha ngbudhusia ombese tee ema.<sup>12</sup>An'tuma kaamo wa masaso; bha n'kpitaka ka bhan'saga.<sup>13</sup>Mukwa bhole avfia: iku titani? en'tumu momami mondusia; saa-yomo bhamokie.<sup>14</sup>Nge, dyaa bha kambia bhu mena, bha nedjulia kuibho ngungu, ka bha vfia: umenai mona tiko; tu-mulai, ambusa taa bhotiko bhtikala a ngasu.<sup>15</sup>Ka bhankulia an-bhongo wa bhole, ka bha mula. Dyaa kotio, u'bhaku indje?<sup>16</sup>Wiidjie, u'bha olue bha kambia bhaa, ka wo-uwe bhole anga bhamo. Dyaa bhoka eto, bha vfia: Mbali sa-ondese.<sup>17</sup>Nge; Yesu a bha bhona, Yesu a vfia: ivfanisi indje iyo ikpaluana: libhoi lio bha kpelia bhu lisika louwa na enu mangano ma djogubho.<sup>18</sup>Un'topa undjo u'kuuwe ikulu la libhoi lio uli bhu nuwe ka undjo libhoi lin'kulie ugbotanie.<sup>19</sup>BHa dumanga bha bhakoli ka na bha kpalua bhavfungala bha n'dungu dyokaa, nge bha-ondua bhushe. Bha djibha taa ibha nikulu labho lio Yesu uvfia mbendo eyo.<sup>20</sup>Bha tatika ine lengisia Yesu; ka bha tuma bhushe isowa taa bha endjini taa bha lungila milungo ka niyokamila mavfia maa uvfie, ambusa taa bhan'kenisia anga bhatumba ka anga nkota wandei.<sup>21</sup>Bhushe bhaa bha mia: Bhwáná, tudjibhi taa uvfie ka ni gulusia ta tshuu, ka undje minulai bhushe, nge ugulusie paki ya Mbali iekana na angili.<sup>22</sup>Iebhonge nasu, ao ombese djue ivfinda enu ya kaisala?<sup>23</sup>Yesu, adju bha kulu wabho, a bha kpetania: ivfanisia-mbhani elinge yaao.<sup>24</sup>Elinge eyo i evfilane ka ekpaluane titani? Bhwa kaisala, bha kpetania.<sup>25</sup>Ka a bha sowa: u'muwa kaisala iyo iya kaisala, ka ya Mbali iyo iya Mbali.<sup>26</sup>Bha, iganile ta bho mavfia maa a'pele na bhushe, nge, bha sangala toku Yesu u'bha kpetania, bha gugila.<sup>27</sup>Bhaamo bha Sadukayo, bhaa bhu bhi vfia taa indjese na Yesu:  
<sup>28</sup>Bhwáná, ena iyo musa ukpalua nasu: ani wanya mushe ogwa, atika mwali undjo ka u'endelisia libhoti la wanya ese.  
<sup>29</sup>Ngo, bhuhia bha wanyinya sabha, wapikilie u'songa ka ogwa mbese bhana.<sup>30</sup>Wama vfilu ka wamasaso bha nsonga mogusia undjo;<sup>31</sup>Ya kiana dyokuto anga bha topa sa bha, bha ogwa mbese itika bhana.<sup>32</sup>Ambusa, mwali iyogwa dyokuto.  
<sup>33</sup>A'iumua, mwali u'gwali wa neni? ngo bhatopa sabha bhu gwala nabho bhoku.<sup>34</sup>Yesu a bha manyula: bhana bha masi mano bha songi bhali ka bha bhali bha songianie méku;<sup>35</sup>Nge bhaa bha gbokianie endjoni évfumbu iyo údjie ka iomua la bho gusia indje gwaliene na masongi.<sup>36</sup>Ngo bhandje ogu tabho, mungusa bhagwali bha vfilane na bha tambia, ka bha gwali bháná bha Mbali, bha gwalé bháná bhi umua.<sup>37</sup>Kia bhaogusia bha omua, iyo Musa udjibhisia dyaa, a'ndu ya bhiti bha buabua, am'bhisia Bhwáná Mbali wa Abhalayama, Mbali wa Isaka, ka Mbali wa yakobho.<sup>38</sup>Ngo, Mbali andjésé Mbali wa bhogusia, nge bhaa bha bhike; ngo iyekanaka nana bhushe bhatopa bha bhabhike.<sup>39</sup>Bhaamo bha bhakpalua bha manyula, ninesowa: Bhwáná, wa vfia ekima.<sup>40</sup>Ka bha mie tabho kaamo.<sup>41</sup>Yesu a'basowa: mungusa éndje bhushe bhavfü náta Kilisito umono wa Dawidi?<sup>42</sup>Dawidi idje-mukulaa wa a'vfia a'semele na malubha ma zabhuli: Bhwáná a'vfia anga bhwáná bhama: dyumana-a'obo wami wilume.<sup>43</sup>Kudyokaa iavfisie bhakudho bhai utshi la makulu mai.<sup>44</sup>Dawidi kotioyo am-bhisia bhwáná; isowa- lendje u'bhishiani ta monai?<sup>45</sup>Lopasika lumo bhushe bhuhhi mokanila, avfia na bhatende bhésé:<sup>46</sup>Nudji ngbélai na bha kpalua, bhaa bhondue ikpatula bha'sala kandjo dja djitadjita, ka niyonda bha bhigwana na bhigula bha bhidjibikiane; bha bhavfungakali bhagima bha péle a'bhwavfulu bha Mbali, ka bhigula bhapele a'bhivfaya,<sup>47</sup> Bhaa bhadhi mono byavulu bha bhanevfanisie nivfema tééta. Bhasambisianie ta kpingbi.

## 21

<sup>1</sup>Yesu , abhona madjo ikulu , ena banghumia iyavfishia mekodjo miabho asemele na echedhé . <sup>2</sup>Aena yhukuto mwali tomoi monghushia , udjo wavfishia misanga tavfili . <sup>3</sup>Ka avfia : yanesuwa nuwe angili , mobhoka wa mwali uno moghushia abhia iyeta bano bhatopa; <sup>4</sup>Ngo na bhasau bhiabho-bhio bhavfishia mekodjo asemele na echedhé , nge idje abhiya ya koko, iyo mangho ubhibhikila.<sup>5</sup>Thuku bhamo-bha bhuhivfia yhulu yha mangele ka na mekodjo mio mikia ilola yavfulu ya Mbali , Yesu avfia : <sup>6</sup>Mosi ma medji bhiyo na , thoko , moenie , indhu tikali bhiese na libhoi itulu na libhoi nana liyo lindhe ku'uwe . <sup>7</sup>Bamia : bwana ekianie na evfumbu ya niya , ka na evfako yedje edjibhikanie ta bima bio howa? <sup>8</sup>Yesu apketanyia: udji mbgwelai ta nunekombane. ngo banghi bhokie na linya lami , n'ivfia : iyemi , ka evfumbhu ya bhambha nubhekiaamu . <sup>9</sup>Dya nookiye ivfia ta bita ka na idju kuli shiana , mbhese nuwe iyonduwu , ngo yepkie bhima bhiyo bhkiana apele . nge indhese tutu.<sup>10</sup>Dyaa abhasawa : ekita etelemelie iyomo ekita , ka bhu kota ikulu la bhukota ibhumo; <sup>11</sup>Egwalie idiga ta dhenela misiya , ka bingula kuvfikuvfi, ibgebga ka egwa ; bhesiso bhiapinkingi , ka na bivfiniko ta dhene ikulu la nguvfa.<sup>12</sup>Nge , apele na iyo etopa , nudungani na obhoo ka nuolanie, nuakanania anga basina gowe , mukulianie a munyalolo , nukeni shelianie apale ma bakota ka apele na ba guve nele , na dyulu la linya lami. <sup>13</sup>Iyo enekeanilie bhiyo nuwe ikulu lata nugweli bhasamboli.<sup>14</sup>Udjavfishiai-ko thio asemele na upumathima mbhese nuwe ibholisia imbgweliashia ; <sup>15</sup>Ngo enouwe nunyuwa ka na otinga luwa bhakodhu bhanu bhandibheliaabho ka bhandhilambhulua bho.<sup>16</sup>Nugwalie bhaakane na bhahutiya bhanu , na bhawanyinya bhanu , na bhaa nunabho bhahambha ne, ka na bhambhenyi bhanu , ka nusilie ta bhagi. <sup>17</sup>B hatapa bhanebhilie nuwe , djulu la linya lami. <sup>18</sup>Nye idhé bholise talugwili talumoi lai la utuwe wai ; <sup>19</sup>Ikulu la ibhelia lanuu nubhikishie mipumatima mianu.<sup>20</sup>Dja nueni Yelusalema ilumushana na bhakali , djibhata itikila na lao lowaa. <sup>21</sup>Dya , bhaa bhagwali a yuda bhakini mavfi a ni tala , ngo bhaa bhagwali asemele na yelusalema bhavfunduwe , ka bhahagwali amabhulu bhande tanganiabho andei ya dhene. <sup>22</sup>Ngo egwalie masi ma bhusungu , dyulu nya iyakisia yana etopa iyo ikpwaluana.<sup>23</sup>Ekúkú na bhali bhaa bhagwalie na mala ka na bhaa bhahumusiye a masi-maa! ngo egwalie na bhukúkú ta dhéene asemele na etuko, ka na bhusungu anga bhuse bhaa eyo etuko. <sup>24</sup>Bhakuwe a bhetu bhwa asobho , bhagwali bhandishiane bhandungana na bhékita bhitopa ,

ka Yelusalema yenikyaniye iche la makulu ma bhikita , dyuka evfumbu ya bhikita ya akishanie.<sup>25</sup>Igwaliye na bhivfaniko asemele na dyuvfa , asemele na weli ka na asemele na bhaduwa ka na ikulu la misia, igwalie na mushangozo abhikita bhiyo bhindejibiye , elunda ya obhingi ka bhiyo bhivfita obhingi , <sup>26</sup>Bhu she bhabhunye umupumatima na bhuwa nisibha iyho égbokia niye amisiya ; dyulu la djokulu la ikulu la nguvfa ludhigiye.<sup>27</sup>Dya twenie monawa mushe widji na umpena na lokulu ka na molombo ta dhéene. <sup>28</sup>Dya bhima bhiyo bhikpeki shanie ikiana , one nanulai ka temia mituwe , nyulu la ibhia na lanu lowa chekendhée. <sup>29</sup>Ka abhasuwa na ivfilanishia talimoi: enai ethi , ka na bhimo. <sup>30</sup>Nyika bhituwa , nudjibiye nuwe bhakulu bhao, n'ibhona, ta edjo ya bhambha. <sup>31</sup>Namuna themoi , ya nueniye bhima bhio ikiana , djibhai ta bhukota bhwa mbali bhwa chekedhée.<sup>32</sup>Yanesuwa nuwe angili angili , ta ngei ya yono endhe etiese, ta etopa iyo sikikiane. <sup>33</sup>Ikulu la nguvfaka n'ichi lietiye , nge mavfia mami mandhe etiese.<sup>34</sup>Udjimbegelai nuwe-bhakulubhao , nabhuwa bhuwo mipunatina minebhunge na itesia idhia ka nikoluwa, ka na mekalanganya mia ibhika , ka bhusi bhuyombhese enedjukusia; <sup>35</sup>Ngo idjiye toku bhokila anga bha bhatopa bha bhagwale apele na bhosi bhwa kisi utopa.<sup>36</sup>Susunwasi kothiyo ka vfemai evfumbu etopa , nata nuodhu lokulu libhika na bhima na bitopa bhiyo bhikiani , ka ni eyenikiana bhateme apele na mona muse.<sup>37</sup>Na bhusi , yésu avfanishia asemele na yavfulu ya mbali , ka ubhikena iyetisia bhotiyo an'tala ubhishane taa n'tala wa bha oliliviye. <sup>38</sup>Ka mushe utopa , ku ya pindi , ikena angese asemele na yavfulu ya mbali iko moka.

## 22

<sup>1</sup>Evfáya yá mekátí ma mbèsé tivfó, ébhisiané Pasaka, ibhia tshekedhè. <sup>2</sup>Bhadumangá bhá bhakoli ká na bhá kpalúwá bhúvfungálá namúna ya inémúlúsia Yesu; ngó bhíbhú ónduwa bhushé.<sup>3</sup>Angó, múgú ú lúmíla anga Yúda, nubhisiané Esikalíote, úndjo ubhiya á esábho ya bhaa ta bhúu na bhámó ta bhávfilí. <sup>4</sup>Ká Yúda úkena iko ókana na bhá dumanga bhá bhakoli ká na bhá dumanga bhá bhasindíli, na namúna ya iné múlúsia. <sup>5</sup>Bhú sééa ká bhá ókáná na namúna ya inémuwá bhilinge. <sup>6</sup>Ambúsa na iyókana, úvfungála namúna ya ékima ya inékulusia Yesu na mbése étulumílo idjibha. <sup>7</sup>Bhusi bhá mekati bhá mbèsé tivfo, bhúwo bhúpásá iné tshindja móna mokoko, ikiyana, <sup>8</sup>Ká Yesu abhá túmá Petelo na Yoani, na ibhá sówá kénáyi kotáyálsiayi nású Pasaka, na taa tú dhiye. <sup>9</sup>Bhá n'kétaniya: ú ondúwe tuko tayalisia niya?<sup>10</sup>Abhá manyúlá: ényai, dyàa nutángáníe á ndéyi ya dhéné, nú kumaníliye na mushé tomoyi muvféfvé ndiko ya malívfa; ú mikáyi á yavfúlú iyo ú tanganiye, <sup>11</sup>Ká núsauwe mukúlú wa yavfulu: mweli anésówá taa: égula yániya iyo mangá údhiye pasáka na bhatende bhése?<sup>12</sup>Ká únévfaniye núwe súgwééé témoyi ya dhéné ya ikúlú, iyo i na bhitopá: i dyàa nutayalisie Pasaka. <sup>13</sup>Bhúkéna, ká bhugbóká bhima tóku mangá úbhásowá; ká bhú tayálsiya Pasaka. <sup>14</sup>Dyàa youwá wakátí wá aó, á djumáná á méza ká na bhatendé idjé nabhó. <sup>15</sup>Abhá sowá: yaóndá sána idhiya Pasaka inó nánú, ápele na émi iénisiana mpúli; <sup>16</sup>Ngó, yané sowá núwe, indje li dhiye tabhi ámi, mupáka dyíkàa i ákisiani bhiyo á bhukota bhá Mbali. <sup>17</sup>Ká, á geya lúngú ta lúmoyi ká á kpudhusiá djokówa angá Mbali, ávfiya: geiyai lúngú lúno, ká vfakánakáyi núwe ngúngú; <sup>18</sup>Múngusá, yanésowa núwe, indje nyúwe tabhi ámi éngoká yá puma djá vinyo, mupáka wakátí úwo bhukota bhá Mbali bhú idji bhiyo. <sup>19</sup>Ká amó úgéiya mokátí; ká, kiisha ikpudhusia djokówa angá Mbali, á úbhúná, ká abhá owá, na ivfiya: ino i mobhi wámi, úwo ú owáná dyúlú lánú; kakiayi tanó dyúlú lá ini djúwaka. <sup>20</sup>Ágeiyá dyókúto lúngú, ambúsa na idhiya, ká abhá owá, na ivfia: lúngú lúno lú lá iyókana lá meza na mányiká mámi, màa má idiye dyúlú lánú. <sup>21</sup>Na dyito ényai, obhó wá úndjo windulúsie ú mudjumané námi á meza á mókumino. <sup>22</sup>Móna wá mushé á kéná. iyekána na tóku i lakáná. Ngé ikúkú angá mushé úndjo ú mulúsia! <sup>23</sup>Ká bhá ándjá i iyanaka ibhó ngúmgú neni á kátí yabhó úkiye iyo. <sup>24</sup>Nkakanyi wa andja ituwáná ángá bhatende: Neni á kati yabhó upasiye igwálá n'dumángá? <sup>25</sup>Yesu abhá sowá: bhakóta bhá bhikita bhabhá tabhaliye, ká bhàa bhabhá tabhaliye bhá bhisianye bhá kiyá bhudúmbá. <sup>26</sup>Si gwaliésé namuna témoyi angánú. Ngé kia úndjo igwali tóku n'dumángá ángánú agwali tóku n'dadú, úndjo ú tabhaliye agwali tóku úndjo ú kambiliye bhá amó. <sup>27</sup>Ngo neni úndjo ú n'dumángá, úndjo ú á méza, áo úndjo úbhá kambiliye? ká émi, n'a tóku, i á bholigogo bhánú tóku úndjo únekambiliye núwe; <sup>28</sup>Núwe, nú bháa bhú bhéliyá námi á mipúli námi; <sup>29</sup>Ina dyito yá avfisiya bhukotá bhá ikúlú lá ngúvfa dyúlú lánú, tóku Tita ú avfisiyá dyúlú lámí, <sup>30</sup>Ambúsa taa nú dhiye ká núnyúwe á méza mami má bhukotá, ká taa núgwali bhá djúmané á bhá agimá bhá bhukotá, mungusá wá iúkúmúwa kabhila ta bhúu na djimó ta épili dja Isalaeli. <sup>31</sup>Bhwáná avfia: Simoni, Simon, múgú ú ondúwe iné péta núwe tóku ngáno. <sup>32</sup>Ngé ivféma Mbali dyúlú láyi, mungusá idjéliya láyi liné kuwé; ká owé dyàa ú idji káamo iyo ubhá kamisiyá bhá wanó á idjéliya. <sup>33</sup>Bhwáná, Pétole ánsowá, étayali ikéna nàyi, á mudyalóló ká á ligwa. <sup>34</sup>Bha sua kamo: Dyaa ya ne kenisia mono nue mbese echedhe, mbese mokúlú ka mbese to bhókúbhókú, indje-ema iyo ya ne kandá nué? bhaa kpetania mbese ema. <sup>35</sup>Ka a bha sowa: ketetino, ambusa, undjo una echedhe ageya ka undjo una mokulu ageya dyukuto, ka undjo andjese na asobho akulusia lokimba lese ka akulu asobho. <sup>36</sup>Ngo, yanesuanue, yeekpie taa livfia liyo likpaluna la kikisiana angami: Ubhandana toku mushewa ebhelá. ka etopa eyo etoti inibgoka echedhe nükiana. <sup>37</sup>Bha sua: Bwana, ena bhasobho taa bhavfilí. ka abhasua: iyo yaaka. <sup>38</sup>Ambusa nivfundua, a kena, tuku ulemanila, aa n'tala wa Olivie, bhatende bheese bhamika. <sup>39</sup>Dyaa ukia na a egula eyo, abha sowa: Vfemai, taa nune kuwe a bhubhi. <sup>40</sup>Kaa abhamba taa dhomu nabho egula iyo lombuo lundji kiani ese, ka achúmámálú, avfémá, <sup>41</sup>avfia: Tita, ani wonda iesisia nami lúngú luno! ani ya gwala, bhondusia bhumi sikiaese, nge ani yagwala bhuai ekiana. <sup>42</sup>Ngo n'tambiya Mbali tomoi aa djanila a ikulu la nguvfa, dyulu kine bgagisia. <sup>43</sup>Dyaa owa taa onekolíma, avfema ni tinaka, ka etawe yese yowa toku ma toii ma manyika, mubhi popa a misia. <sup>44</sup>Ambusa ni vfema, atema, ka akena anga bhatende, a bha bgoka ibho bha lala na bhúkúkú, <sup>45</sup>Ka abha suwa: indje nu lali eto? temai ka nu vfemi, na taa nune kuwe a bhubhi. <sup>46</sup>Tuku ubhia suku nevfia, éná, etulumilo ya bhuse ya kiana; ka undjo ubhishiana taa Yuda, tomoi wa taa bhuuna bhamo taa bhavfilí, ubhi luvfa apele na bho. a m'bhamba Yesu, ine bhusua. <sup>47</sup>Ka Yesu asuwa:

Yuda dyulu li busua liyo wowuwe mona wa mushe!<sup>49</sup>Bhaa bhubhia na Yesu, bheena iyo iidjie, bha vfia: Bwáná, tu bha ovfula asobho? <sup>50</sup>Ka tomoyi wa bho aa movfula n'kobhé tomoyi wa n'kota wa bhakoli, ka a n'tina otoi wa ilume. <sup>51</sup>Nge Yesu, atatika livfia, avfia: tikila, tema! ka, adunga otoi wa undjo mushe, idje ine bhikisia. <sup>52</sup>Yesu avfia kamo anga bhadumángá bha bhakoli, anga bhakota bhambgelia bha yavfulu ya Mbali, ka na bhagágulú, bhaa bhu idja na liyá nana: nue nidja, toku emi mene aaga bhushe bhima, naa bha asobho ka mambáká. <sup>53</sup>Ya bha nanu masi ku matopa asemele na yavfulu ya Mbali, ka mabho manu midungese emi. nge dyano yowa evfumbu yanu, kana lokulu la livfue. <sup>54</sup>Ambusa nine dunga Yesu, ibho inedia, ka bha kenisia asemele na yavfulu ya n'dumanga wa bhakoli . Petelo ubhia subhoni taa dhomu. <sup>55</sup>Bha melia isala aa mbanda, ka bhádjúmáná. Petelo adjúma ná nabho. <sup>56</sup>Mushe tomoyi wa mokambo wa mwali, améná un'djumane iisala, aa m'bhóná Petelo, ka nivfia: mushe uno ubha niidje dyukuto. <sup>57</sup>Nge alambula nivfia: mwali uno, indje n'djibhiami. <sup>58</sup>Mbusa tabua, womo, aa méná, avfia: owe dyukuto owe mushe wabho. ka Petelo ivfia: mushe uno, indjami wa bho. <sup>59</sup>Iyekeka ambusa na evfumbu teemoyi, womo aa n'kakamia, nivfia: angili mushe uno ubha dyukuto náná, ngo idje mu Galilaya. <sup>60</sup>Petelo akpetania: mushe uno, indjidjibhiami iyo ovfie. dyokaa ubhivfia kamo eto, n'eki ikokolia. <sup>61</sup>Bwáná, anebasia, aa m'bhóná Petelo. ka Petelo adjua livfia lio bwáná un'sua: apele na eki ikokolia bhusi ku bhúno, wilambuluwe mingo tamiaso. <sup>62</sup>Kaa avfundua, aalilá na bhoobú. <sup>63</sup>Bhushe bhaa ndunga Yesu bhaa mosakia idje, ka bha m'bhiti. <sup>64</sup>Bhaa n'siga bhosio, ka bhamiakia, nivfia: kpola neni undjo anovfula. <sup>65</sup>Ka bha dyongela teegi ka nine sekisia. <sup>66</sup>Dyaa bhusi bhugia, etulumilo ya bhagagulu bha bhushe, bhadumanga méné bha bhakoli ka na bhakpalua, bha kumanila, ka bhakenisila Yesu asemele na Sanedelina ya bho. <sup>67</sup>Bhavfia: ani owe Kilisito, utu sowa. Yesu a bha kpetenia; ani ya ne sowa nuwe, nu ndji djelie anu. <sup>68</sup>Ka ani ya niya, undji kpetaniaye. <sup>69</sup>Dyikaa mona wa mushe agwalie un'djumane a ilume laa lokúlú la Mbali. <sup>70</sup>Bhatopa bhavfia: owe undjo oo mona wa Mbali? ka abha kpetania: na vfia leli, emi djokuno. <sup>71</sup>Ngo bha vfia: tukaamo nakulu wa bhusamboli? tooka djuwe bhakulu bhao na anyuwa wese kubhanene.

## 23

<sup>1</sup>Bhatopa bhasusumuwa, bhakenishia Yesu apele na pilato. <sup>2</sup>Bha sitaka , nivfia: takobgoka mushe uno susuliye bhushe bha etuko yasu bha tomboka ,niisikishia bhushe bhavfindie fvuti yakaísala , ka n'ifvia idje mukulao ta idje KRistu n'ukota . <sup>3</sup>Pilato amiya , akoko djino : owe ukota wabha Yuda ? Yesu akpetanyia : wamala ivfia . <sup>4</sup>Pilato avfia anga bhadumanga bha bhakoli ka na etumilo : sibgokeami ema etemoyi ya ebhibhi anga ono mushe . <sup>5</sup>Nge bhukakamiabho , ka n'ifvia : idje udjo osusuli bhushe , na ivfanishi a etuko etopa ya Yuda , iyadja kua Galilai , a utatika , umupaka nyikano . <sup>6</sup>Dyaa Pilato aka ivfiana ta kuna a Galilaya , ku idji iya ani mushe uno odyukuto mu Galilaya , <sup>7</sup>Ka dya manghooka ta ubhia wa sehemu ya Herode, idje inekpudhushia anga Herode , udjo ubhia ma masi ku a Yelusalema. <sup>8</sup>Dya Herode umena Yesu , aseya taa egi, Ngo tangio mbge , ubhionda ameni , nyulu la iyo ubhioka ivfiana ikululese , ka ubhikpalia taa umeniye ka akilia bha bhesio. <sup>9</sup>Amiya t'engi ,nge Yesu sakpetanyiese ta bhuwa. <sup>10</sup>Badumanga bha bhakoli ka na bha bhakpaluwa bhubhia dyaa, ka na inesitaka na lokulu. <sup>11</sup>Herode , na bhasindili bhese, bhabhiti na mabhela, ka na inemosaki idje ka na inesalishia ngombe ya ivfunda kale , bhakpudhishia kamo anga Pilato. <sup>12</sup>Bhusi bhuka bhuo ,Pilato ka na Herode ibho iyowa bhambenyi , ka ibho bhubhia pikiliye bhwakodhyu. <sup>13</sup>Pilato , akulumanishia bhadumanga bha bhakoli , bhatumba , ka na bhushe , abhasuwa : <sup>14</sup>nidhishila mushe uno taa idje udjo otombokishie bhushe.ka enai, ya miya leli apele nanu, ka sibgokemi na ema te emoyi a bhiyo nasita ka. <sup>15</sup>Herode sabha t'ese, ngo atukpudhishia nana, ka enai, mushe uno sakiye ese ema temoyi ta agwali moogushia. <sup>16</sup>Yatikila vfami, kisha inibhiti na mambhaka. <sup>17</sup>A evfaha etopa ibhiya ekpiye udhugiana tomoyi aowana. <sup>18</sup>Bhatopa bhadyuma: kiya idjono aogu, uthikila nasu balabasa." <sup>19</sup>Mushe a djono abhaukigiane a mudyalolo yhulu dya liya lio ukia a ndei ya dhene, ka na iyola mushe. <sup>20</sup>Pilato ibhasua kamo, akulu ya inetikila Yesu. <sup>21</sup>ka ku ibhoidyuma : agogilana, agogilana amusalabha! <sup>22</sup>Pilato abhasuwa mungo wa masaso: idje bhubhi bhuo akiya ? si bgokiami angese munguso wata aogu. etikili kotiyoyi , kisha idje ibhiti na mambhaka. <sup>23</sup>Nge bhalibha ka ka na idyuma na lokulu , bha vfema ta agogilana amusalabha . ka bhadyumata abhowa : <sup>24</sup>Pilato avfia ta iyo navfima ekiyana. <sup>25</sup>Atikila udjo ubhiya amudjalolo na liya ka na iyola bhushe , ka udjo uvfemana nabho , ka abhowa yesu iyakishana na kuluabho. <sup>26</sup>Tuku uwowana, ageyana tomoyi na linya la Simon wa silene, ni idjidja lese la mabhulu, ka uvfulia musalabha, gwala abhusa na yesu. <sup>27</sup>Abhugi wa bhushe bhubhu mikaka, ka na bhali bhubhi ovfula bhi ngumba ka nine kanya idje. <sup>28</sup>Yesu ane basia anga bho, ka avfia: baseké bha Yelusalema, nu lilai ya nu dyulu dyami; nge lilai dyulu lanu kana bhana bhánú. <sup>29</sup>ngo bhonai, masi maa müdjie dyaa livfanie: seai bhakumbha, seai malá maa mudha nese malá maa mabhiese na bhana, ka na mabhali maa ma bhumu siese! <sup>30</sup>Ngo bhagwala ni vfia na mitála: Utukulia! ka mitála mia buabua: mitúkumbù! <sup>31</sup>Ngo, ani bhakia bhima toku bhio a eti yee bhisi, igwalietitani ae tiya yoome? <sup>32</sup>Bhubi lu vfusia dyukuto a evfumbu iyo bhushe ta bha vfili bha bha bhibi, bha bhubhia taa bhogu na Yesu mungo toomoyi. <sup>33</sup>Dyaa bhukiana a egula iyo ibhisiana taa dyalo la n'tuwe, bhangogila a musa labha, kana bhushe ta bhavfili bha bhibi, tomoyi a obho wúlume, undjomo a obho wa dyali. <sup>34</sup>Yesu ivfia: Tita, ubhougwa bhukúkú, ngo bha ndji djibhia bho iyo bhakia. ka ibho ivfakana ngombe djeese, ni luta a misia. <sup>35</sup>Bhushe bhutema dyaa, ka bha bhóná. bhakoli bha bha tumba bhubhi mosakia Yesu, ni vfia: ubhikisia bhamo bhushe; kia adyibhikisia idye mukulao, ani idje ukulisito, undjo ukpolana na Mbali! <sup>36</sup>Bha sudha bhu bhi mosakia idje; bhaa m'bhambo ka bha mua n'sósó, <sup>37</sup>Bha vfia: ani owe n'kota wa bha Yuda, udji bhikisia mba owe owe muku lao! <sup>38</sup>Ibhia ukulu lese mano ma kpalua: uno uun'kota wa bha Yuda. <sup>39</sup>Tomoyi wa bhushe bha bhahibhi undjo ubhia a musalabha aa seka, nivfia: undjai kilisito? udji bhikisi a mba owe owe mukulao, ka utubhikisia djuwe dyukuto! <sup>40</sup>Nge undjomo aa ma nyula, ka avfia: undje mondua ye Mbali, owe undjo wengimáná na azabho undjo? <sup>41</sup>Angasu, yeendjini, ngo dyuwe too udha iyo tengimana na mabhi masu; nge ono sakiese ta bhubhi ta bua. <sup>42</sup>Ka avfia na Yesu: owe ini dyua

emi, dyaa widji bhiyo nana bhukota bhaye. <sup>43</sup>Yesu akpetania: yanesowa owe angili, bhusi bhuno ogwali na mi asemele na Paladizo. <sup>44</sup>Ibhia ta dyaa dyuvfa la tema a bholigógó, livfu lakua kisi n'topa, ya kokiana ku idjakolo. <sup>45</sup>Dyuvfa la limwá, ka ngombe ya n'tuwá wa yavfulu ya Mbali ya vfundia a bho ligogo. <sup>46</sup>Yesu avfama likuwá ta likali: Tita, yi ganisia m'pumatima wami amabho mai. ka, nivfia mavfia maa, ane djilisia. <sup>47</sup>N'dumanga wa bhasudha, eena eyo ikiáná, abiba Mbali, ka nivfia: ibhulie mushe ono uu bhaa endjini. <sup>48</sup>Ka bhaa bhatopa bhukiana nituluma a munguso uwo, ambusa ni yena iyo ikiáná, bha iga naka, ni ovfula bhingumba. <sup>49</sup>Bhatopa bhaa bhudjibha Yesu, ka na bhali bhaa bhuu mikáká kua Galilaya, bhu tema taa dhomu ka nibhona iyo ibhieta. <sup>50</sup>Ibhia na mushé tomoi wa makókó, na linya kaYozefu, mushe, taa n'kima ka endjini, <sup>51</sup>undjo sakiane se ta likumbe la méyéyé wa bhámó; ubhia wa Alimatea, ndei ya dheene ya bha Yuda; ka ubhisibhaka bhukota bha Mbali. <sup>52</sup>Mushe undjo akena a nga Pilato, ka oko vfema molio wa Yesu. <sup>53</sup>Aa n'dulusia a musala bha, aa n'kumba na molekani, ka akoon'dulusia asemele na bhudja ko bhuo bhukamba asemele na libhoi, aa mushe tomoi sa bhiese monane. <sup>54</sup>Ibhia bhusi bhuwo bhu bhongisiana, ka taa sabhato itatikiana. <sup>55</sup>Bhali bhaa bhu idja na Yesu mulu ngo iesa a Galilaya bhamika Yozefu, iko ena tuku bha avfisie molio wa Yesu a bhudjako, <sup>56</sup>Ka bha iga naka, iko avfisia bhikulu bhia malasi ka ibho iya ma bhusi bhua sabhato, toku shelia ivfia.

## 24

<sup>1</sup>Bhusi bwa kwanza bwa posho, ibho ikena a bhudjako kapindipindi; nivfevfa mada ma embia djio bhu tayarisha mo. <sup>2</sup>Ibho ikogboka libhoi livfunduwe apele na bhudjako; <sup>3</sup>Ka ibho ilumia, bhagbo keabho mobi wa bwana Yesu. <sup>4</sup>Toku bhadjibhe abho ngé ni djuaka mio, ka ibhena, bhalume ta bhavfilia idjania, na ngombe dja melimeli. <sup>5</sup>Ibho ikua na bhua, ibho idulusia masio mabho a misia ibho ibha sowoa: mungusendje nufungakali mushe n'ndjo andese mu ugue asemele na bhushie bha bhogwe? <sup>6</sup>Andese djhano, asusumwa leli djuai mbani mio ubhasakua mono, na evfumbu iyo ubhia mo kukamo a galilaya, <sup>7</sup>Ka uvfiano, na lokuli ngé mona mushe idungiana a mabho ma bhushie bha djambi, idji ituana ikulu la musabha, ka idje isusumwa a bhusi bhua haso. <sup>8</sup>Ka ni ibho idjua livfia la Yesu. <sup>9</sup>Nikphudha labo a bhudjako, ibho ivfia munguso mitopa anga bha bhuna tomoi, ka na ibhamo. <sup>10</sup>Mushe n'ndjo uvfiano munguso uwo anga bhanafunzi ibhiamu malia n'ndja magdala, jeanne, malia, nyinya yako bho, ka na bhaa bhu bhia no nana. <sup>11</sup>Udunga mo munguso miabho toku losio, ka bha djelie abho bhali. <sup>12</sup>Nge Petelo itema, idje ikena mavfi á bhudjako. idje idulua idje ena ese ku ngombe á misia, ka idje ikena angese, na isangala iyo i kiana. <sup>13</sup>ka iyena busi bhuhubho, bhanafunzi bhukena mo a ndei ya bhua ibhisia gmaüs, dhomu na yerusalema kilometele makomi sita; <sup>14</sup>Ibhoisakuana munguso owo weta mo, <sup>15</sup>N'a evfumbu iyo bhuhavfavfia ka ni tuana nganyi, yesu ibhamba, ka idji ikena nabho. <sup>16</sup>Madjo mabho musigalamo na mungusa ine n'ndjibha. <sup>17</sup>Ka idje ibha vfilia: musigalano endje aewo numa mavfiamavfia ni livfa? mungusa nuwe bhatopi igwala na bhua? <sup>18</sup>Tomoi anga bho, ibhishiana cléopas idje idjelia ka nivfia: owe mushe tomoi n'ndjo andidjibhiese mugomio uwa masimano djhano a Yerusalem? <sup>19</sup>T'ndje? idje ibhavfilia ibho idjelia ka ni nen'sakua: mio miyouwa mono mungusa Yesu n'ndja Nazareti, n'ndjo ubhia no profota n'ndja lokulu la munguso ka na mavfia apele ya Mbali ka na apele ya bhushie batop, <sup>20</sup>Ka mungusedje bakonga ba mbali basu ibho n'ndungu mungu mekia wi ne m'mula ka inentua a musabha. <sup>21</sup>Tu kpiamo nata idje n'ndjo ubhikisi Israel; ka na djitopa ma, ena ku masi ta masaso ma mio munguso nganeta nono. <sup>22</sup>Iku angili na bhali ta bhamao angasu bhutudjuku sia no ta pkingbi; bhukena mo kpala a bhudjako. <sup>23</sup>Ka bhugbokeabho mobhi wese, bhuidjamo ikovfia ngé ba malaika bhuhadjana mo ka ibho vfia nata ukuwe. <sup>24</sup>Bhushie tamoi bha tubhamo nabho ibhoikena abhudjaka, ka ibho ikogboka ese ku munguso uwo bhali bhu vfia mo; ka idje, bha m'mene abho. <sup>25</sup><sup>26</sup><sup>27</sup>Conflict Parsing Error <sup>28</sup>Evfumbu iyo bhowa bhebehele na ndei iyo bhuhikena, owa makulu yikena ta dhomu ekweté. <sup>29</sup>Ngó bhasosomila ninesuwa nataa tikala nasu, mungusa bhusi bhowa ijakolo, bhune kw'idha. <sup>30</sup>Evfumbu iyo ubhinya nabho a Musa, ageya mokati, ka, ambusa nifulia tochibho, atinaka, ka abhowa. <sup>31</sup>Dya madjo mabho mogula na ka bhanjibha; ngé kw'ijilinda apele nabho. <sup>2</sup> Ka ibho isuwana tomoi na manganana: mipumatima miasu mibhachwana kese asemele nasu, evfumbuiyo obhqvfa nasu napaki ka nitu londula makpalua? <sup>33</sup>ibho tema n'evfumbwa yokw'iyu, kw'ibho ikpudha a Yerusalem, ka lbho ikokpoka bhaa tabhu na womo tomoi, ka na bhubhia nabho, egula temoi. <sup>34</sup>Ka ibho ivfia nata: Bwana angilangili omuwa, ka avfundila Simoni. <sup>35</sup>Ka ibho ilondula iyo ibhokianala na paki ka natitani bhukojibha evfumbuyo mangotinaka mokati. <sup>36</sup>Dya bhabha vfia mbino jio, kw' ijemuku ijivfanisia abhaligogo bhabho, ka ni bhasuwa: gualai na bhuguwe! <sup>37</sup>bhowa ma bhuwa ka n'yondua, bhakpiya toa bhena mavfuvfa. <sup>38</sup>Ngé ijibhasua: mungusenje nondua nivfisia bhekaa kanga ka mungusenje enge ka tukuiyo ya kiana amitina mianu? <sup>39</sup>enayi mabho mami ka na makulu makulu mami, yese kwemi; ibhubhaika bhonai: upumatima undese na momu ao dyalo, tuku nuwo nwindenie enao. <sup>40</sup>Ka nivfia lio ovfia dyito, niji bho vfanisia mabho mese ka na makulu mese. <sup>41</sup>Tuku, bhubhia asemele ni seya labho, bhabha kpalhia tabho teema, ka bhubhia asemele ni je kuwa, ijibhasua: nw'iyano kuna ema yibhiyo iyano? <sup>42</sup>ibho ine mua esulu ya momu yatitika n'engba ya bhugi. <sup>43</sup>Adunga, ka niyi dhia apele nabho. <sup>44</sup>Ambusa iji bhasuwa: eyo ebhinesakakua mono nue evfumbuyo ebhia mono sikunami, kia yakisiana etopa eyo ikpaluana mono nisuwa lami asemele na bhutumba bha Musa, asemele na bhakanga, ka n'asemele na Zaburi. <sup>45</sup>Dya kuiji bhasangulhia otinga labho, mungusa bhajibhi ta fomofomu ma kpalua. <sup>46</sup>Ka ijibhasuwa: nata eno ikpaluana ta kilisilo weni upuli, ka ta umuwe anga bhagu abhusi bha masaso, <sup>47</sup>ka nisuwa libasia mitima ka na bilibili wa mabhi bhaa maguali molondo isuwa la linya akisi utopa, itatika a Yelusalema. <sup>48</sup>Nubha samboli bha bhima bhino. <sup>49</sup>Ka ena, enetindikili bhinuwe lkuu lanu eyo ijamu ulqka; ngé nuwe; tikalai asemele na ndei ya dhene kwa tunga ya nw'isala lokulu likulu. <sup>50</sup>Yibhaluta alotunga la Betania, ka, atubhula mabho mese ikulu yi bhafulia tochibho. <sup>51</sup>Evfumbu iyo ubha fulia tochibho, iyi vfakana nabho, ka ku iji tubhuana ikulu languvfa. <sup>52</sup>Ibhó,

ambusa na iné mábuduwa, bhú kpúdhá na isééa ta ligi á Yelusalema; <sup>53</sup>Ká bhubhiya masi kumatopá á yavfulu ya Mbali na iné biba Mbali na djumbo.